

SPOLNE BOLESTI

dr. Muhammed Ali el - Barr

BLUD

Ibrahim Trebinjac

Sarajevo, 2001-1422 G.H.

SPOLNE BOLESTI

SPOLNE BOLESTI

Medicinski izvori tretiraju spolne bolesti iz razloga što su one najrasprostranjenije zarazne bolesti danas u svijetu. Nema sumnje da su spolne bolesti najrasprostranjenije zarazne bolesti na zapadu, nakon što se uspjela savladati većina ostalih zaraznih bolesti. Spolne bolesti pojavile su se kao veoma opasne zarazne bolesti.

U poznatom medicinskom priručniku Merk Manual (13 izdanje 1977.) stoji:

“Spolne bolesti su najrasprostranjenije zarazne bolesti danas u svijetu. Od prije dvije decenije svake se godine povećava broj oboljelih. Međunarodna organizacija za zdravstvo (WHO) procjenjuje da svake godine 250 miliona osoba oboli od gonoreje (tripera). Isto tako WHO procjenjuje da godišnje oboli 50 miliona od sifilisa. Atlanta centar za borbu protiv zaraznih bolesti iz pokrajine Džordžija u SAD procjenjuje da u SAD svake godine oboli tri miliona osoba od gonoreje, a od sifilisa 400 000.”

Uz to, procjenjuje se da je broj oboljelih od oboljenja izazvanih klamidijom i drugim mikrobima koji prouzrokuju upalu mokraćnih i spolnih kanala (mimo gonoreje) duplo veći u SAD-u, zemljama Evrope i svim krajevima svijeta u kojima su izvršene pretrage te vrste.

Mnoge i raznovrsne bolesti raširile su se zbog porasta prostitucije i nastranog seksa, posebno na Zapadu.

Medicinski časopis (Medicine digest, april 1977) prenosi izvještaj iz Floride (SAD) kojeg je podnio tim specijalista za ženske bolesti u kome stoji: “Porast stanja koja su identična sa rakom grlića rodnice kod djevojaka čija se starost kreće između 15 i 22 godine prelazi procenat od 800% u periodu između 1970. i 1974. g. Istraživači sma-

traju da je taj stravični porast prouzrokovan porastom nekontrolisanih seksualnih odnosa.

Da bismo mogli izvršiti uporedbu, poslušajmo šta kaže profesor Vilijam Bejkers koji je bio u službi u arapskom svijetu više od dvadeset godina: "Najčistiji su spolni organi koje sam pregledao u Saudijskoj Arabiji..." On je izvršio detaljne preglede na više od 30.000 žena u Saudijskoj Arabiji i uzeo uzorke iz vagine i grlića rodnice. Svi su ti uzorci pokazali da su čisti od gonokoka, trihomonasa, klamidije, parazitskih gljivica i raka grlića rodnice. Profesor Vilijam Bejkers kaže da su razlog takvog stanja dvije važne stvari: rijetkost zinaluka i obrezivanje muškaraca. (Ovo je, također, objavio časopis MEDICINE DIGEST, april 1977.)

UZROCI ŠIRENJA SPOLNIH BOLESTI

Poslanik, s.a.v.s., rekao je: "Kada se u jednom narodu pojavi zinaluk i rasprostrani do te mjere da se javno čini, u njemu će se pojaviti kuga i bolesti koje nisu postojale među njihovim precima, koji su prije njih živjeli." (Prenosi ga Hakim, Ibn-Madže i El-Bezzar)

Dr Shofild u svojoj knjizi "Spolne bolesti" (treće izdanje), između ostalog, kaže: "Zaista sredstva za informisanje (masmediji) pozivaju u anarhizam (neograničenu slobodu u svemu pa, i u seksu), kojeg smatraju prirodnim biološkim stanjem... Postoji zavaravajuće uvjerenje kod ljudi da su antibiotici u stanju da izliječe svaku spolnu bolest koja se pojavi kao rezultat takvog ponašanja."

Dr Teodor Kuper, predsjednik udruženja kulture zdravlja i zamjenik ministra zdravstva u SAD-u kaže: "Čovjekov je moral kamen spoticanja kada su u pitanju spolne bolesti i njihovo širenje."

Dr Andrau Rigg, profesor dječije medicine na univerzitetu Džordž Wošington u SAD-u kaže: "Tri najvažnija uzroka širenja spolnih bolesti su: nemoral (prostitucija), sredstva za kontracepciju i krivo uvjerenje da antibiotici mogu izliječiti te bolesti."

Elizabeta Manners u svojoj knjizi "Opasna generacija" kaže: "Zaista djevojke u školama bivaju izložene odvratnim zloupotrebama i rušilačkom valu materijalizma u kojeg ih guraju masmediji i grupa trgovaca seksom koji na takav način ostvaruju ogromne materijalne dobiti."

Dr Hit u svojoj knjizi "Fatamorgana slobode" kaže: "Rješenje problema širenja spolnih bolesti leži u borbi protiv rasprostranjenog nemorala i zagovaranju čednosti, poštenja i prednosti čistog porodičnog života."

Poslanik, s.a.v.s., rekao je: "Kada se u jednom narodu pojavi zinaluk i rasprostrani do te mjere da se javno čini, u njemu će se pojaviti kuga i bolesti koje nisu postojale među njihovim precima, koji su prije njih živjeli." (Prenosi ga Hakim, Ibn-Madže i El-Bezzar)

"Kada se u određenom naselju pojavi zinaluk i kamata, njeni stanovnici su zaslužili Allahovu, dželle šanuhu, kaznu. (Prenosi ga El-Hakim od Ibn-Abbasa i kaže da je sahih.)

Istinu je kazao Poslanik, s.a.v.s. Sve što je on kazao ozbiljno ili u šali jeste istina, a ovaj hadis predstavlja jednu od njegovih mu'džiza (nadnaravnih djela).¹

Kad god se u određenom narodu raširi zinaluk, u njemu se pojave bolesti i kuge (pojam kuga upotrebljava se za sve zarazne bolesti) koje nisu bile poznate njihovim precima, koji su živjeli prije njih. Tako na primjer sifilis nije bio poznat prije italijansko-francuskog rata, u kome se pojavio i raširio zinaluk među vojnicima. Kao posljedica toga, tada se prvi put pojavio sifilis. Nakon završetka rata 1494. g. Francuzi su ga zvali italijanskom bolešću, a Italijani su ga zvali francuskom bolešću. Nakon toga je od njega obolio i sam Napoleon i kardinal Rišelje, koji je bio jedan od najpoznatijih evropskih kardinala i svećenika.

Kada su Evropljani, krajem 19. i početkom 20. stoljeća, ušli u arapske zemlje, putem svirepih kolonizatorskih pohoda, sa sobom su unijeli i ovu opaku bolest koju je običan muslimanski svijet poznavao kao "bolest stranaca".

Sida (stečeni nedostatak imuniteta) isto tako je prije bila nepoznata. Prvi slučajevi side zabilježeni su u Belgiji od određenog broja radnika i službenika koji su bili u Zairu (bilo da se radi o Zaicima ili Evropljanima koji su bili na radu u Zairu). U 1979. g. sida se već pojavljuje u SAD-u. U 1980. g. zabilježeno je samo 58 slučajeva side, a 1981. g. 231 slučaj. U 1982 g. zabilježena su 883 slučaja oboljenja od side, a 1983. g. završava se sa 3064 slučaja side samo u SAD-u. Van SAD-a u toj godini je zabilježeno preko 2000 slučajeva. Ustanovljeno je da je 72% tih slučajeva bilo kod osoba koje upražnjavaju "nastrani seks" a koji su u Engleskoj bili poznati kao Harolds, a u Americi pod imenom Gays (raskalašeni).

¹ Zato što je obavijestio o nečemu što će se naknadno desiti i to se stvarno desilo i dešava. (prim. prev.)

U zapadnim sredinama raširile su se spolne bolesti, koje su prije bile veoma rijetke, kao što je herpes, bradavičavost i šuga spolnih organa, uši stidnih mjesta, klamidija, mikoplazma i druge spolne bolesti.

Zapadni istraživači smatraju da postoji nekoliko glavnih uzroka širenja spolnih bolesti. Dr Vilkoks u medicinskom časopisu za Sjevernu Ameriku (Medical Clinics J. N. America 1972. 5,60.) kaže:

“Od uzroka rasprostranjenosti i širenja bolesti u zapadnim sredinama, uprkos zadivljujućem napretku medicine, jeste i sljedeće:

1 – tolerantan odnos i dozvoljavanje (slobodnih) spolnih odnosa u društvu prije i poslije braka (tj. odobravanje zinaluka i homoseksualizma i smatranje sredine da je to sasvim normalna pojava);

2 – povećanje broja putnika i doseljenika, bilo zbog posla ili zbog turizma. Broj radnika koji su napustili svoje krajeve zbog posla prelazi cifru od 6 miliona, a broj turista 1975. g. bio je 215 miliona;

3 – povećanje upotrebe sredstava za sprečavanje začeca, jer je začecje bilo jedan od jakih razloga koji je sprečavao ženu od spolnog općenja. Nestanak ovog faktora utjecao je na porast zinaluka od žene bez bojazni za začecje;

4 – širenje “slobodnog seksa” od jedne žene sa više muškaraca i obratno. Muškarac se više ne zadovoljava sa samo jednom ženom niti žena sa samo jednim muškarcem, nego čovjek spolno opći sa velikim brojem žena i obratno. Isto se tako nastrani seks veoma brzo širi u zapadnim sredinama;

5 – nastanak određenih vrsta mikroba protiv kojih ne pomažu antibiotici, kao što je hirbiz kao i bolesti koje prouzrokuju virusi protiv kojih ne vrijede antibiotici.”

Dr Kendž u svojoj knjizi “Venerične bolesti” (četvrto izdanje 1980.) kaže:

“Zaista su naše nade koje smo polagali u savremena medicinska sredstva za suzbijanje i iskorjenjivanje veneričnih bolesti već poodavno pale u vodu. To nije ni čudno kada su u pitanju veoma opasne zarazne bolesti koje se veoma brzo prenose spolnim kontaktima. Razlog njihovog širenja krije se u društvenim prilikama i promjenama načina ljudskog ponašanja. U zapadnim društvima naglo se raširila “sloboda seksa”, naročito među mladima od kojih je većina izgubila osjećaj za samokontrolom, ljubavi i toplinom porodičnog života.”

“Na Zapadu se uložio ogroman trud na polju porasta zdravstvene svijesti o opasnostima od veneričnih oboljenja, ali uprkos tome očito je da je taj trud neuspješan,

zato što škole i medicinske ustanove daju akcenat na sredstva za sprečavanje začeća i udaljavanje od bolesti, a ne na izbjegavanje vanbračnih spolnih kontakata.” “Ili drugim riječima kazano: izbjegavanje zinaluka, homoseksualizma, lezbejstva i drugih nenormalnih radnji.”

Dr Shofild u svojoj knjizi “Spolne bolesti” (treće izdanje) obrazlaže naglo širenje veneričnih bolesti i smatra da je uzrok tome pojava i raširenost “slobodnog seksa” (promiscuity) i brojnost seksualnih partnera. On smatra da je raširenost “slobodnog seksa” prouzrokovana sljedećim razlozima:

- 1 – porast materijalističkog svjetonazora i udaljavanje od vjere i vjerskog morala;
- 2 – porast proizvodnje sredstava za sprečavanje začeća;
- 3 – povećanje broja putnika i doseljenika, bilo zbog posla ili zbog turizma;
- 4 – tolerantan odnos društva prema zinaluku, homoseksualizmu i drugim vidovima nastranih spolnih odnosa;
- 5 – širenje informacija i podataka o seksu putem sredstava za informisanje;
- 6 – upotreba droge i alkohola;
- 7 – rano sazrijevanje mladića i djevojaka, tako da je sad doba punoljetnosti 11/12 godina, umjesto 14/16 godina kako je to bilo prije;
- 8 – zaposlenost majke van stana, što je dovelo do nedostatka osjećajne povezanosti između djece i roditelja i pored visokog socijalnog statusa.”

Dr Shofild, dalje, kaže:

“Tolerantan odnos društva prema svim oblicima spolnih veza u stalnom je porastu, do te mjere da ne postoji nikakav osjećaj stida od zinaluka, homoseksualizma ili bilo kojeg drugog nenormalnog ili zabranjenog načina upražnjavanja seksa. Naprotiv, sredstva za informisanje formirala su takvo shvatanje po kome je sramota za mladića ili djevojku da budu nevini. Čednost muškarca ili žene na Zapadu postala je potpuno neshvatljiva stvar. Masmediji vrše poseban pritisak na mladiće i djevojke, kao što to čine vršnjaci među njima prema svojim drugovima i drugaricama do te mjere da budu primorani da im se u tome pridruže.

Sredstva za informisanje pozivaju u “slobodu seksa” i na nju podstiču smatrajući to normalnom i prirodno-biološkom pojavom. Isto tako postoji prividno zadovoljstvo prouzrokovano uvjerenjem da su antibiotici u stanju da izliječe bilo kakve venerične bolesti koje se zbog toga pojave.

Sredstva za kontracepciju

78% žena koje su upitane o njihovim vanbračnim avanturama odgovorilo je da su sredstva za sprečavanje začeća bila dodatni motiv za to.

Mnoge od njih pohvalno su se izrazile o kontracepcijskim sredstvima koja su omogućila ženi da se izjednači sa muškarcem o pitanju seksualne slobode, jer začeće više nije razlog ograničavanja njene seksualne slobode. Zato su mnoge žene na Zapadu postale pobornice "slobode seksa" i to praktikuju još od svojih ranih godina. Rezultat toga je veliki porast tripera i drugih veneričnih oboljenja kod mladih u pubertetu, u odnosu na prijašnja vremena.

U članku dr Jamesa Noxa Russela, koji je objavljen u časopisu "Journal of Hospital Medicine", 29/2 1983. g., a u kome je riječ o začeću djevojčica u školama stoji:

"Uprkos porasta procesa edukacije o upotrebi sredstava za sprečavanje začeća, u Engleskoj i Velsu, u periodu između 1974-1978 zabilježen je 18851 slučaj trudnoće kod djevojaka čija starost ne prelazi 15 godina. 12873 djevojke učinile su abortus, a ostale su ostale uporne da dovrše period trudnoće. Statistički podaci pokazuju da je trudnoća veoma mladih školskih djevojaka (do 16 g.) u stalnom porastu. U SAD -u jedan od svakih pet slučajeva trudnoće je kod djevojaka koje su mlađe od 18 godina.

Elizabeta Manners u svojoj knjizi ("The Vulnerable Generation") ("Vulnerabilna generacija") kaže: "Zaista djevojke u školama bivaju izložene odvratnim zloupotrebama i rušilačkom valu materijalizma u kojeg ih guraju mas mediji i grupa trgovaca seksom koji na takav način ostvaruju ogromne materijalne dobiti."

U knjizi "The Illusory Freedom" "Fatamorgana slobode" koju je napisao Hit 1978. g. stoji: "Rješenje problema širenja spolnih bolesti leži u borbi protiv rasprostranjenog nemorala i zagovaranju čednosti, poštenja i prednosti čistog porodičnog života."

U medicinskom priručniku "Merk" (trinaesto izdanje 1977. g.) stoji:

"Unatoč zadivljujućeg napretka medicine na području dijagnostike i liječenja, koji je uspio iskorijeniti mnoge zarazne bolesti u svijetu, venerične bolesti strahovito su se raširile u posljednjih 25 godina. Postoji, po našem mišljenju, nekoliko razloga za tu kontradiktornost:

Velike promjene u seksualnom odgoju u zadnjih 25 godina, u kojima se pojavila takozvana 'revolucija seksa', širenje tableta, spirala i drugih sredstava za sprečavanje začeća. Između ostalih uzroka je i pojava novih mikroba koji su otporni na antibiotike. Zatim, veliki broj žena koje obole od veneričnih bolesti uopće ne primjećuje nikakve simptome tih bolesti, naročito u samom početku. Zatim, lahkoća putovanja u razne

dijelove svijeta, naročito na zapadu, porast vanbračnih spolnih kontakata i zajedničko seksualno uživanje od više osoba u isto vrijeme.

Među važne razloge spada i širenje anormalnog seksa koji je popraćen opasnim bolestima. Zatim, anonimnost, prikriivanje i neobavješćavanje svijeta od medicinara o opasnosti ovih bolesti i njihovoj rasprostranjenosti.”

U knjizi “Venerična oboljenja u toplim krajevima” stoje sljedeći razlozi:

1 - širenje prostitucije u mnogim predjelima Azije i Afrike, a prostitucija se smatra glavnim razlogom širenja veneričnih bolesti u zemljama u razvoju, u Aziji, Africi i latinskoj Americi, za razliku od naprednih zemalja zapada u kojima prostitucija ne igra veliku ulogu. Zato što su zemlje zapada pogođene “slobodom seksa” uopće i uloga prostitutki osjetno se smanjila. Djevojke koje to rade iz hobija postale su konkurentkinje prostitutkama i nadmašile ih u tome!

U nerazvijenim zemljama prostitutke i dalje imaju najveću ulogu u širenju veneričnih oboljenja;

2 – siromaštvo koje mnoge djevojke prisili na prostituciju;

3 – opasna zanimanja, kao što su mornari, oružane snage, radnici i službenici hotela, mjesta za zabavu, barovi i noćni klubovi, avio-kompanije, naročito stjuardese, radnici lijepih umjetnosti, pozorišta, sale za ples i muzičari;

4 – turizam;

5 – putovanje radnika i njihovo odsustvo od svojih porodica;

6 – sredstva za sprečavanje začeca;

7 – porast obrazovanja i mješovitog (između muškaraca i djevojaka) školovanja;

8 – selidba sa sela u grad i val industrijalizacije;

9 – veliki troškovi ženidbe;

10 – razna sredstva za informisanje koja daju akcenat na seks;

11 – anormalni seks. Ovo je jasan problem na Zapadu, koji se još nije u dovoljnoj mjeri izučio u zemljama u razvoju;

12 – postojanje konstantnog i plodnog tla za mikrobe u prostitutkama i onima koji upražnjavaju anormalni seks;

13 – nastanak mikroba koji su otporni na antibiotike. Danas više od dvije trećine mikroba koji izazivaju triper otporni su na penicilin.

14 – širenje alkohola i droge;

15 – neupozoravanje vlasti i zdravstvenih ustanova na opasnost i ozbiljnost ovog problema, što dovodi do njegovog povećavanja bez ikakvog ozbiljnijeg otpora;

16 – lažno uvjerenje da pencilin i antibiotici mogu izliječiti bilo koju veneričnu bolest.

Dr Andrau Rigg, profesor dječije medicine na univerzitetu Džordž Wošington u SAD-u kaže: "Tri najvažnija uzroka širenja spolnih bolesti su: nemoral (prostitucija), sredstva za kontracepciju i krivo uvjerenje da penicilin i antibiotici mogu izliječiti te bolesti." Časopis Practitioner Vol 214/Feb. 1975.)

Dr Teodor Kuper, zamjenik ministra zdravstva u SAD-u i predsjednik udruženja kulture zdravlja, na zasjedanju o veneričnim bolestima u Londonu (22-25 juna 1975.), rekao je: "Čovjekov moral jeste kamen spoticanja kada su u pitanju spolne bolesti i njihovo širenje..."

"Zbog toga se venerične bolesti nazivaju i društvene bolesti, zato što su one rezultat određenog ponašanja koje se ne pridržava zakonski dozvoljenih, spolnih veza unutar braka, nego praktikuje vanbračne odnose, prije i nakon braka."

Iz navedenih i drugih studija zaključuje se da se venerične bolesti šire ogromnom brzinom.

Ove bolesti prenose se isključivo putem zinaluka, homoseksualizma i drugih anormalnih seksualnih odnosa. (U njih ne spada onanija).

Postoje i drugi načini prenošenja ovih bolesti, iako su oni manje važni u odnosu na prvi način, a to su zabranjene seksualne veze koje se mogu svesti pod sljedeće:

1 – odnos sa mužem ili suprugom koji je već zaražen nepropisnim stupanjem u spolni odnos, putem zinaluka, homoseksulizma i slično;

2 – prelazak mikroba na zametak (embrij), kao što se dešava sa sifilisom i herpesom, ili prilikom poroda, kao što je slučaj sa triperom, klamidijom i također herpesom, putem dodira sekreta kojeg luči vagina i grlič rodnice koji su oboljeli tim bolestima sa tijelom i očima;

3 – prenošenje putem krvi. To se dešava sa sifilisom i sidom;

4 – rijetko se te bolesti prenose putem dodira sa vanjskom površinom kože oboljelog i njegovih organa;

5 – obolijevanje medicinskih radnika u laboratoriji ili bolnici. Medicinski časopis "Lanset" u svom broju koji je izdat 24. marta 1984. g. str. 676 bilježi: "Prvi slučaj oboljenja od side otkriven je kod službenika u bolnici, koji nije bio poznat po nastranim sek-

sualnim radnjama. Isto tako zabilježeni su mnogobrojni slučajevi oboljenja, od veneričnih i drugih zaraznih bolesti, usljed kontakata sa oboljelim, njihovom krvi i dijelovima tijela. Ponekad je razlog tome bilo seciranje leševa. Međutim, ovo je veoma rijedak uzrok.

Dakle, uzrok širenja veneričnih bolesti jeste porast zinaluka, homoseksualizma, općenje sa bližom rodbinom (što je protupropisno) i svaka vrsta anormalnog seksa, o čemu smo opširnije govorili.

Allah, dž.š., u čovjeku je stvorio potrebu za seksom, isto kao što je u njemu stvorio potrebu za hranom. Za udovoljavanje svake od njih je čovjeku podario osjećaj slasti. Slast prilikom spolnog odnosa je, kako kaže imam Ebu-Hamid el-Gazali, u poglavlju o braku, u svojoj knjizi "Oživljavanje vjerskih znanosti" "...najsladaća slast, samo kada bi duže trajala..."

Allah, dž.š., nije bez razloga stvorio ove nagone u čovjeku. Nagon za hranom ima ulogu očuvanja čovjeka (jedinke), dok nagon za seksom ima ulogu očuvanja vrste. A očuvanje vrste ima prioritet nad očuvanjem pojedinca.

Sasvim je normalno da punoljetan čovjek i punoljetna žena nastoje udovoljiti ovom prirodnom nagonu kojeg je Allah, dž.š., u njima stvorio, kako bi se na taj način razmnožavali i očuvali svoju vrstu.

Ibn el-Kajjim u svojoj knjizi "Et-Tibjan fi aksamil-Kur'an" kaže: "Zatim, kada je Allah, dž.š., htio umnožiti njihovo potomstvo (potomstvo Adema i Have) na Zemlji, pa im je podario vrućinu strasti i vatru ljubavi i želje i nadahnuo svakog od njih potrebom za spojem sa svojim sudrugom, pa su se spojili onako kako je to već bilo određeno." Ibn el-Kajjim dalje kaže: "Zatim, je Allahova, dž.š., mudrost htjela da ispoljavanju strasti odredi najjače faktore spolja i iznutra, pa joj je načinio sliku koju je uljepšao u očima onoga koji u nju gleda i dao mu da je zaželi. Zatim je dao da jedno drugom prilaze putem lanca strasti i ljubavi, te je svako od njih jako zaželio da se spoji sa svojim drugom i zajedno sa njim boravi kako bi Allah, dž.š., stvorio ono što je već određeno. Zatim je Allah dao da jedno od njih bude mjesto sijanja a drugo mjesto sjemena, pa da se dvije tekućine spoje na strogo određenom mjestu."

Međutim, Allah, dž.š., to nije prepustio slučajnosti niti dozvolio da se sretne bilo koji muškarac sa bilo kojom ženom, bez ikakvih pravila i uslova. Naprotiv, Allah, dž.š., zacrtao je za to određen put u koji poziva ljude i na koji ih podstiče i bodri. To je put braka.

Nakon što je spomenuo žene s kojima je čovjeku zabranjeno stupiti u brak u suri En-Nisa” (ajet, 22-23), Allah, dž.š., kaže: “...a ostale su vam dozvoljene ako želite da im vjenčane darove date i da se njima oženite, a ne da blud činite.” (En-Nisa, 24) Islam je, dakle, zabranio monaštvo, a naredio brak i na njega podstiče i bodri.

Poslanik, s.a.v.s., kaže: “O mladići, ko je od vas u stanju da se oženi, neka to uradi, jer tako će lakše sačuvati svoj pogled i svoj spolni organ, a ko nije u stanju da to učini, neka posti, jer post mu je (najbolja) zaštita.” (Prenose ga šesterica: Buharija, Muslim, Ebu-Davud, Tirmizija, Nesajja i Malik.)

U drugom hadisu Poslanik, s.a.v.s., kaže: “Brak je moj sunnet, pa ko želi da bude na mom putu neka primijeni moj sunnet.” (Prenosi ga Ebu-Ja’la)

Poslanik, s.a.v.s., kaže: “Ko se ne pridržava mog sunneta (pravca), on nije od mene.” (Buharija i Muslim)

Poslanik, s.a.v.s., kaže: “Ko bude u stanju da se oženi, pa to ne učini, on nije od nas.” (Daremi, Ebu-Davud i Dejemli)

Poslanik, s.a.v.s., kaže: “Ako vam dođe (kao prosac) onaj sa čijim ste imanom i povjerenjem zadovoljni, oženite ga. Ukoliko to ne uradite, nastupit će veliki nered i smutnja na Zemlji.” (Ebu-Davud i Tirmizi)

Poslanik, s.a.v.s., kaže: “Ženite se i razmnožavajte se, jer ću se ja sa vama ponositi pred ostalim narodima.” (Bejheki i Ibn-Merdevejh)

Poslanik, s.a.v.s., kaže: “Ovaj svijet je (prolazno) zadovoljstvo, a najbolje zadovoljstvo ovog svijeta je hairli žena.” (Muslim i Nesajja)

Poslanik, s.a.v.s., kaže: “Ženite se rodnim i umiljatim ženama, jer ću se ja vašom brojnošću nad drugim narodima ponositi (na Sudnjem danu).” (Ebu-Davud i Nesajja)

Ibn-Abbas je rekao Ibn-Džubejru: “Ženi se! Zaista je najbolji čovjek ovog ummeta imao najviše žena. (Misli na Poslanika, s.a.v.s.) (Prenosi ga Buharija)

Poslanik, s.a.v.s., kaže: “Nema monaštva u islamu.” (Ahmed i Tirmizija) A u Tabe-ranijevom rivajetu stoji: “Zaista nam monaštvo nije propisano.” “Allah, dž.š., nam je monaštvo zamijenio sa uzvišenim pravovjerstvom (islamom).

Od Se’ada ibn Ebu-Vekkasa prenosi se da je rekao: “Da Poslanik, s.a.v.s., nije zabranio monaštvo Usmanu ibn Maz’unu, mi bi se kastrirali.” (Buharija, Muslim, Tirmizija i Nesajja)

Kada je Akkaf ibn Bišr et-Temimi ušao kod Poslanika, s.a.v.s., Poslanik, s.a.v.s.,

upitao ga je da li ima ženu ili robinju. Kada je Akkaf na to dao negativan odgovor, a bio je bogat, Poslanik, s.a.v.s., mu je rekao: "Ti si onda brat šejtanu. Da si kršćanin bio bi jedan od njihovih monaha. Naš sunnet je brak. Najgori među vama su neoženjeni. Zar se sa šejtanom poigravate? Šejtan nema većeg oružja protiv pobožnih ljudi od žena. Izuzev oženjenih, oni su zaštićeni od bluda." (Ahmed)

Poslanik, s.a.v.s., obraćajući se ženama rekao je: "Nisam vidio da neko slabije vjere i pameti više pobjeđuje razumne ljude od vas." (Buharija i Muslim) Imam Gazali u svojoj knjizi "Oživljavanje vjerskih znanosti" u poglavlju o braku kaže: "To je zbog nagona strasti."

Koristi braka su mnogobrojne: on je najbolji način čuvanja pogleda i spolnog organa, zato ga islam naziva "zaštitom", a oženjene "zaštićenim" (muhsanin), jer ih on čuva od zinaluka. Njegov krajnji cilj jeste razmnožavanje i očuvanje ljudske vrste. Zato je Poslanik, s.a.v.s., podsticao na ženidbu rodnom i (prema djeci) blagom ženom i na što veći broj djece, i obavijestio nas da će se ponositi ovim ummetom na Sudnjem danu zbog njihove mnogobrojnosti.

Allah, dž.š., kaže: **"O ljudi, bojte se Gospodara svoga, Koji vas od jednog čovjeka stvara, a od njega je i drugu njegovu stvorio, i od njih dvoje mnoge muškarce i žene rasijao."** (En-Nisa', 1)

"O ljudi, Mi vas od jednog čovjeka i jedne žene stvaramo..." (El-Hudžurat, 13)

"On od vode stvara ljude i čini da su rod po krvi i po tazbini. Gospodar tvoj je kadar sve." (El-Furkan, 54)

"i jedan od dokaza Njegovih je to što za vas, od vrste vaše, stvara žene da se uz njih smirite, i što između vas uspostavlja ljubav i samilost..." (Er-Rum, 21)

"Allah za vas stvara žene od vaše vrste, a od žena vaših daje vam sinove i unuke..." (En-Nahl, 72)

"...one su odjeća vaša, a vi ste njihova odjeća..." (El-Bekara, 187)

Allah, dž.š., odredio je da brak bude jedini ispravan put zadovoljavanja ovog urođenog čovjekovog nagona. Kako bi on bio faktor formiranja, izgradnje i ispunjenja Zemlje dobrom, bereketom i potomstvom, a ne kako bi razarao, rušio i razvaljivao, kao što je to slučaj kada se taj nagon usmjeri ka putu razvrata, nemorala, prostitucije i ostalih vrsta anormalnog seksa.

Allah, dž.š., zabranjuje zinaluk i sve što njemu vodi.

Allah, dž.š., kaže: **“I što dalje od bluda, jer to je razvrat, kako je to ružan put!”** (El-Isra', 32) I naređuje čuvanje spolnog organa i obaranje pogleda. Zato je jedno od svojstava Allahovih, dž.š., iskrenih robova **“...i koji ne bludniče...”** (El-Furkan, 68) A od svojstava vjernika **“...i koji stidna mjesta svoja čuvaju...”** (El-Mu'minun, 5) Isto tako, jedno od svojstava vjernika je: **“Ono što žele - vjernici će postići, oni koji molitvu svoju ponizno obavljaju, i koji ono što ih se ne tiče, izbjegavaju, i koji milostinju udjeljuju, i koji stidna mjesta svoja čuvaju, osim od žena svojih ili onih koje su u posjedu njihovu, oni, doista, prijekor ne zaslužuju; a oni koji i pored toga traže, oni u zlu sasvim pretjeruju.”** (El-Mu'minun, 1-7)

Islam, zbog toga, upotrebljava sva sredstva u borbi protiv zinaluka, kako muslimani ne bi zapali u njega. Zato podstiče i bodri na brak, a zabranjuje zinaluk, ukazuje na njegovu opasnost i zabranjuje sve što njemu vodi. Allah, dž.š., naređuje obaranje pogleda: **“Reci vjericima neka obore poglede svoje i neka vode brigu o stidnim mjestima svojim...”** (En-Nur, 30)

“A reci vjericama neka obore poglede svoje i neka vode brigu o stidnim mjestima svojim; i neka ne dozvole da se od ukrasa njihovih vidi išta osim onoga što je ionako spoljašnje, i neka vela svoja spuste na grudi svoje; neka ukrase svoje ne pokazuju drugima, to mogu samo muževima svojim, ili očevima svojim, ili očevima muževa svojih ili sinovima svojim, ili sinovima muževa svojih, ili braći svojoj ili sinovima braće svoje, ili sinovima sestara svojih, ili prijateljicama svojim, ili robinjama svojim, ili muškarcima kojima nisu potrebne žene, ili djeci koja još ne znaju koja su stidna mjesta žena; i neka ne udaraju nogama svojim da bi se čuo zveket nakita njihova koji pokrivaju. I svi se Allahu pokajte, o vjernici, da biste postigli ono što želite.” (En-Nur, 31)

Islam zabranjuje miješanje muškaraca i žena i strogo zabranjuje osamljivanje muškarca sa ženom koja mu nije mahrem. Naređuje hidžab i zabranjuje suprugama Poslanika, s.a.v.s., da uljepšavaju svoj glas prilikom govora pa da u napast dođe onaj čije je srce bolesno. Zabranjuje ulazak kod žena čiji su muževi odsutni, itd.

Islam najstrožije zabranjuje zinaluk čija je najteža vrsta zinaluk sa suprugom svoja komšije i opisuje užasne prizore kazne za bludničare kada će u vatri džehenemskoj sa tegobom piti gnoj i sukrvicu koji će izlaziti iz organa bludnica.

Islam, također, zabranjuje sve vidove seksualne nastranosti. Poslanik, s.a.v.s., zabranio je da čovjek spolno opći sa svojom suprugom u čmar i taj čin smatra velikim grijehom i poredi ga sa odlaskom vračaru. Kur'an i sunnet zabranjuju čovjeku da vrši odnos sa svojom suprugom u periodu hajza i to smatraju bolnim i nepristojnim. Allah, dž.š., ukorio je Lutov narod i u zemlju ih zatv'o, jer je homoseksualizam po islamskom učenju jedan od najvećih i najopasnijih grijeha.

Poslanik, s.a.v.s., zabranio je slušanje pjevačica i plesačica i to smatra sredstvom zinaluka. Islam, također, zabranjuje konzumiranje alkohola i droge. Nema sumnje da su alkohol i droga veoma značajni faktori u širenju prostitucije, homoseksualizma, spolnog odnosa sa onima koje su zabranjene (haram) i silovanja. Po zvaničnoj statistici međunarodne organizacije za zdravstvo, koju prenosimo od Dili Mila (26/6/1980), 50% od ukupnog broja silovanja zlostavljanja i 86% od ukupnog broja ubistava biva pod dejstvom opojnih sredstava.

Ukratko, islam svestrano otvara vrata braka, na njega bodri i podstiče, a čvrsto i odlučno zatvara sva ostala vrata. Islam nije ostavio nikakav put preko kojeg bi vjernik mogao stići do zinaluka. Sve prilaze njemu je zatvorio i zabranio sve što na bilo koji način njemu poziva.

Zato se problem veneričnih oboljenja nije pojavio u muslimanskim sredinama, izuzev u periodima u kojima su se muslimani udaljili od svoje vjere i zakona svoga Gospodara, a prihvatili nevjerničke zakone, koji dozvoljavaju nemoral i razvrat i veličaju prostituciju i zinaluk.

Pored svega toga, islamske sredine, bez obzira nalazile se one u Africi ili Aziji, gdje žive Arapi ili nearapi, u Americi ili Evropi, najmanje su pogođene spolnim bolestima, kao što se to navodi u knjizi "Venerične bolesti u zemljama toplih krajeva" čiji je autor Ereja Vebint i Usaba (izdata 1980.)

Autor spomenutog djela tvrdi da sprečavanje miješanja muškaraca i žena i hidžab dovode do smanjenja veneričnih bolesti u sredinama koje to praktikuju, i pored toga što se u takvim sredinama nalaze sjedišta fesada sa prostitutkama. Zbog toga je postotak oboljenja žena muslimanki veoma mali u poređenju sa ostalim ženama u svijetu.

Što se tiče muškaraca u islamskom svijetu, oni su više izloženi tim oboljenjima od žena, zbog nastranog gledanja društva u vezi s tim pitanjem i smatranja da je zinaluk muškarca daleko lakši nego zinaluk žene.

Ista knjiga spominje da obrezivanje, i pored toga što ne umanjuje bolesti sifilisa i tripera, čak, i kod onih koji zinaluk čine, umanjuje oboljenja od herpesa čira, tumora mokraćnih kanala i upala koje prate one koji imaju kožicu.

Islamski stav prema spolnom nagonu je umjeren. Imam Gazali nabraja mnoge koristi ovog nagona kojeg je Allah, dž.š., usadio u čovjeka, ukoliko se upotrijebi putem braka. Među prvima je očuvanje ljudske vrste i razmnožavanje ljudi, od čega zavisi opstanak čovjeka na Zemlji do Allahom određenog kraja ovog svijeta. Druga je zaštita od šejtana, razbijanje žudnje, sprečavanje od nasrtaja strasti, obaranje pogleda, čuvanje spolnog organa i, napokon, udaljavanje od veneričnih bolesti.

Treća je slast spolnog odnosa vjernika što podsjeća na slast spolnog odnosa u Džennetu, što u čovjeku jača želju za tim užitkom i navodi ga na činjenje dobrih djela i izbjegavanje loših. S obzirom da su ovodunjalučki užici kratkog daha i prolazni, a dženetski užici stalni i vječni, ovi nas na njih podsjećaju. Zatim Gazali kaže: "Pogledaj samo u Allahovu, dž.š., mudrost, zatim milost i preciznost, kako je u jednom nagonu dao dva života: vanjski i unutarnji. Vanjski je život život čovjeka putem opstanka njegove vrste, što predstavlja produžetak njegovog postojanja. A unutarnji život je onosvjetski život. Zaista, ova nepotpuna prolazna slast povećava želju za potpunom i vječnom slasti. Na taj način ona podstiče na ibadet koji je jedini put do ove druge. Tako čovjek svojom prejakom željom za ovodunjalučkom slasti olakšava sebi ustrajnost na onome što će ga odvesti do vječne dženetske slasti.

Četvrta se ogleda u tome što brak, kojim se suzbija nagon strasti, zauzima veoma značajano mjesto u vjeri za svakog onoga ko je sposoban za brak, a to je slučaj s većinom ljudi. Jer ukoliko se strasti pobude i nadjačaju, a ne bude postojala snaga bogobojaznosti koja će ih ukrotiti, one neminovno vode do nemoralna. Na to je ukazao Poslanik, s.a.v.s., riječima: "... Ukoliko to ne uradite, pojavit će se veliki fitnet (nered) na Zemlji."

Na ovakav način islamska ulema govori o koristima ovog nagona ukoliko se on usmjeri zacrtanim putem. Poslanik, s.a.v.s., ukazao je na to da je čovjek nagrađen i za svoj spolni odnos riječima: "I u vašem spolnom općenju je sadaka." Ashabi rekoše: "Zar će neko od nas biti nagrađen i za odnos sa svojom suprugom?" Poslanik, s.a.v.s., reče: "Da. Šta mislite ako bi to uradio na nedozvoljen način, bi li zaslužio kaznu? Isto tako ako to uradi na halal način biva nagrađen."

Ovakav stav prema seksu ne postoji ni u jednoj religiji niti u bilo kojoj civilizaciji ili narodu, izuzev islamske vjere. Seksualni nagon postaje ibadetom i njime se stiče velika nagrada. Taj nagon u ovom kontekstu postaje povodom za razmišljanje o Allahovim, dž.š., blagodatima i načinom dolaska do dženetskih ljepota.

Za razliku od toga, u drugim religijama, a naročito u kršćanstvu, nalazimo sasvim suprotan stav prema seksu. Kršćanstvo gleda sa podozrenjem na seksualni nagon,

čak, ako se radi i o njegovom kanalisanju putem braka. Kod njih je isposništvo i monaštvo (sustezanje od braka) bolje od braka, što je dovelo do širenja zinaluka i anormalnog seksa među samim monasima i svećenicima.

Iz navedenog se da zaključiti da se uzroci širenja zinaluka u pojedinim detaljima razlikuju od sredine do sredine, ali se svi oni mogu svesti pod sljedeće:

1 – širenje materijalističkog svjetonazora, naročito na zapadu i udaljavanje od vjere i moralnih načela;

2 – širenje takozvane “revolucije seksa” koja predstavlja revoluciju protiv svih moralnih principa i svih vjera. Tu revoluciju su isplanirali jevreji koji to otvoreno navode u “Protokolima sionskih mudraca”;

3 – ovladavanje jevreja sredstvima za informisanje i centrima za upravljanje, tako da je seks postao normalna pojava od koje se ne treba stidjeti, a nevinost i čednost je nešto čega se na zapadu treba stidjeti;

4 – izvođenje žene iz kuće na radna mjesta, dragovoljno, a počesto i mimo njene volje. Pojavio se veliki broj naučnih studija o radu žene koje dokazuju da je to razlog povećanja zinaluka. Najznačajnija od njih je knjiga “Iskorištavanje zaposlene žene” (The Sexual Harrasment of women on the job) autora Lina Farija čije smo citate koristili u našoj knjizi “Zaposlenje žene na mizanu”. U istoj smo knjizi, također, citirali navode iz zapadnih časopisa, kao što je “News Week” u broju koji je izdat 17. marta 1980. godine, u kome je objavljena kompletna studija pod naslovom “Zloupotreba seksa u kancelarijama” (Abusing Sex at The Office);

5 – izlazak žene na posao doveo je do uskraćivanja njege djece od njihovih majki. U izvještaju međunarodne organizacije za zaštitu zdravlja stoji da svako dijete ima potrebu za negom svoje majke tri prve godine neprekidno. To su potvrdile desetine medicinskih nalaza u Evropi i Americi.

Nedostatak majčine topline i njege doveo je do pojave generacija koje karakteriše nesigurnost, zbunjenost, hladnokrvnost, upotreba droge i širenje vala terora, napastvovanja, odanosti seksu, alkoholu i na poslijetku samoubistvo;

6 – izlazak žene na posao prouzrokovao je njenu nestabilnost i raspad porodice. Po zvaničnim podacima u Americi svaku osmu porodicu hrani žena, zbog toga što je ona “nevina majka” (to je nadimak za ženu koja nikada nije bila u braku a ima djecu, što je čudan naziv koji sam po sebi govori o kontradiktornosti zapadnog društva) ili zbog rastave braka ili napuštanja i bjekstva oca;

7 – zaposlenje žene dovelo je do veoma čudnog vala napastvovanja djece. U medicinskim knjigama i časopisima pojavile su se desetine referata i studija o “napastvanoj djeci” (Abused Child). Najčešće to napastvovanje biva tako okrutno da prouzrokuje smrt ili trajno oštećenje djeteta. Još je čudnija od toga činjenica da to zlostavljanje biva popraćeno seksualnim izživljavanjem na dječaku ili djevojčici od njenog oca ili nekog od njenih rođaka. Medicinski časopis Hexagon Vol. 6/1978. tvrdi da ne postoji ni jedna bolnica u Evropi i Americi u kojoj se ne nalazi bar nekoliko djece koja su grubo pretučena od njihove majke ili, ponekad, i njihovog oca.

U 1967. godini u britanske bolnice dovedeno je više od 6500 djece koja su pretučena toliko jako da je 20% podleglo usljed velikih povreda. Stotine njih je ostalo zauvijek slijepo, stotine drugih je ostalo nijemo. Hiljade djece godišnje postaje nenormalnim, umno zaostalim i nepokretnim zbog prejakog udaranja. Naučne studije pokazuju da je razlog tome prevelika zamorenost majki koje rade van kuće i koje, zbog toga, doživljavaju velike neprijatnosti u svom porodičnom životu, što ih je pretvorilo u zvijeri koje napastvuju svoju djecu;

8 – širenje sredstava za sprečavanje začeća. Bojazan od trudnoće bio je jedan od važnih faktora koji su sprečavali ženu od zinaluka. Međutim, pošto je taj faktor nestao, zinaluk je, uz nedostatak vjerske svijesti, doveo do takozvane “emancipacije žene” i njenog izjednačavanja sa muškarcima u njihovom neljudskom ponašanju i razvratu;

9 – širenje informacija o seksualnom životu putem svih sredstava za informisanje, školstva i davanja akcenta, posebno na Zapadu, na važnost sprečavanja začeća i izbjegavanja spolnih bolesti, uz upražnjavanje seksa u svakoj prilici koja se ukaže;

10 – širenje mreže trgovaca prostitucijom na svjetskom planu. Prostitucija se smatra glavnim uzrokom spolnih bolesti u zemljama u razvoju (trećeg svijeta), a seksualna sloboda koja je obuhvatila sve slojeve zapadnog društva jeste glavni je razlog tih bolesti na zapadu;

11 – turizam: broj turista 1975. g. dostigao je cifru od 215 miliona. Taj broj danas se povećao, ali ne posjedujem sadašnje podatke.

U svakom slučaju turističke zemlje, kao što je Španija i Portugalija, imaju najveći procenat abortusa na svijetu u odnosu na broj stanovnika. Broj abortusa godišnje dostiže cifru od milion. Ovdje je riječ o namjerno izazvanim, a ne o slučajnim pobačajima.

Uzrok porasta pobačaja u Španiji i Portugaliji jeste činjenica da su njihovi stanovnici katolici, a katoličanstvo još nije dozvolilo sprečavanje začeća, iz tog razloga djevoj-

ke Španije imaju manje iskustva sa sprečavanjem začeca od svojih vrsnica u ostalim zemljama Evrope.

Iz istog razloga nalazimo da broj namjerno izazvanih abortusa u Latinskoj Americi dostiže tri miliona godišnje, jer su stanovnici Latinske Amerike, također, katolici i u njihovim školama se ne predaje o sredstvima za sprečavanje začeca;

12 – putovanje radi zaposlenja. Broj iseljenika zbog rada dostigao je broj od šest miliona radnika u 1975. g. i većina njih živi bez svojih porodica i u veoma lošem psihičkom i socijalnom stanju. Djevojke među njima padaju kao žrtve svjetske trgovine prostitucijom koja je veoma raširena u mnogim zemljama svijeta. Mladići među njima, pak, nemaju drugog načina da udovolje svojim seksualnim potrebama nego putem prostitutki;

13 – postoje i određena zanimanja koja su sama po sebi uzrok većeg procenta oboljenja od veneričnih bolesti, kao što su djelatnici na polju zabave i razonode u kafanama, barovima, hotelima, mornari, stjuardese i sl. Svi oni samim svojim zanimanjem postaju potencijalni kandidati za obolijevanje od tih bolesti.

14 – u sredinama koje traže velike iznose za mehrove i posebne uslove za sklapanje braka dolazi do povećanog procenta oboljenja od veneričnih bolesti, zato što omladina ne nalazi drugog načina za udovoljavanje svojim razuzdanim strastima izuzev zinaluka. A pošto su to većinom zemlje u kojima se drži do vjerskog odgoja, oni to mogu realizovati samo sa djevojkama koje se bave prostitucijom. Istraživanja pokazuju da su prostitutke u Egiptu, Tunisu, Iranu, Turskoj, Francuskoj i drugim državama zaražene veneričnim bolestima u procentu koji se kreće između 90% i 100%;

15 – uzroci fiziološke i bakteriološke naravi smatraju se sporednim, po mom mišljenju. U fiziološke uzroke spada ubrzan fizički razvoj dječaka i djevojčica i njihovo rano spolno sazrijevanje. Na zapadu se danas doba spolne zrelosti kreće između 11 i 12 godina, nakon što se to doba kretalo samo prije nekoliko generacija između 14 i 16 godina.

Što se bakterija tiče, tu se misli na nastanak mikroba koji su otporni na antibiotike. Tako npr. dvije trećine oboljelih od sifilisa u Aziji i Africi posljedica je zaraza mikroba koji su otporni na penicilin;

16 – opojna pića i droge isto tako smatraju se uzrokom širenja veneričnih bolesti. Ovo sve iz razloga što alkohol i droga oduzimaju razum čovjeka, pa je čovjek u takvom stanju više sklon seksualnom napastovanju, naročito u početnim stadijumima dejstva, prije nego što se potpuno opije i postane seksualno nemoćan.

S obzirom da je alkohol veoma rasprostranjen u zapadnim sredinama i većini dijelova ostalog svijeta i da većina onih koji konzumiraju alkohol to čine na javnim skupovima i raznim prigodama (100 miliona u SAD-u i više od 150 miliona u Sovjetskom savezu), postaje nam jasno zašto su učestale pojave zinaluka upravo poslije takvih svečanosti, jer se većina njih završi sa upražnjavanjem zinaluka.

SIDA

Stečena bolest nedostatka imuniteta

Poslanik, s.a.v.s., rekao je: "Kada se u jednom narodu pojavi zinaluk i rasprostrani do te mjere da se javno čini, u njemu će se pojaviti kuga i bolesti koje nisu postojale među njihovim precima, koji su prije njih živjeli." (Prenosi ga Hakim, Ibn-Madže i El-Bezzar)

"Sida je problem broj jedan za ministarstvo zdravstva u SAD-u" Margaret Henkler, ministar zdravstva (američki časopis "Time", 4/7/1983.

"Ti ne preživljavaš samo bolove side, nego živiš potpuno odbačen od sredine, a kada umreš, svi odbijaju da opreme tvoj leš. Nema ništa u životu što te može učiniti nesrećnijim od toga." Filip Lanzareta jedan od oboljelih od side, preneseno iz "Time", 4/7/1983.

"Ja se posebno brinem o stanju moje braće koji su seksualno nastrani i oboljeli od side, a kojima društvo odbija učiniti bilo kakvu uslugu, prokleta bilo!" Dr Džošava, predsjednik grupe seksualno nastranih u gradu Sijetl u SAD ("Time" 4/7/1983).

Definicija bolesti side (AIDS)

AIDS je skraćena riječi Acquired Immune Deficiency Syndrome (sindrom stečenog nedostatka imuniteta).

Sida se ogleda u određenom broju simptoma čije pojavljivanje ukazuje na to da oboljeli pati od nedostatka imuniteta. S obzirom da nedostatak imuniteta može biti nasljedan, dodata je riječ (stečenog) kojom se povlači razlika između te dvije vrste imuniteta. Poznato je, isto tako, da imunitet opada i kod oboljelih od pojedinih vrsta raka i kod onih koji primaju hemijske lijekove za liječenje zloćudnih tumora, ili onih koji konzumiraju velike količine proizvoda kortizona radi liječenja bilo koje bolesti kao osoba koje upotrebljavaju lijekove za ublažavanje imuniteta prilikom presađivanja određenih organa.

Sve ove grupe ne spadaju u definiciju bolesti side (sindrom stečenog nedostatka imuniteta), jer je ovdje riječ o nedostatku imuniteta koji nije prouzrokovan medicin



Oralna kandidija za gljivične infekcije

skim putem (bez upotrebe lijekova) i koji bolesnik nije naslijedio.

Stečeni nedostatak imuniteta prouzrokuje širenje virusa i bakterija uz određene

parazitske gljivice u tijelu oboljelog koje izazivaju bolesti poznate pod imenom oportunističke infekcije. Isto tako širi se i veoma opasan otok, vrsta malignog tumora, koji se zove Kaposijev sarkom.

Posljednje što bi htjeli istaći u definiciji ove bolesti jeste da su oboljele osobe od side, prije toga, uživale u veoma dobrom zdravlju i da su većina oboljelih muškaraci u periodu mladosti (20-35 g.) koji su skloni nastranom seksu. Međutim, posljednja stavka nije toliko značajna, jer je ova bolest rasprostranjena među onima koji upražnjavaju zinaluk, a naročito među prostitutkama srednje Afrike. Isto tako je veoma rasprostranjena među onima koji konzumiraju drogu putem (plavih) injekcija koje ubrizgavaju u vene.

Poslije ćemo govoriti o vrstama oboljelih od ove bolesti.

Bolest side postala je glavna tema sredstava za informisanje u SAD-u, zatim u Evropi i, napokon, u ostalim dijelovima svijeta. Sida predstavlja novi strah od kojeg strahuje civilizacija dvadesetog stoljeća. Termin AIDS postao je sinonim za kugu, koja je harala u osamnaestom stoljeću i nekoliko stoljeća prije njega, kada je kuga oduzimala živote desetina miliona ljudi.

Rasprostranjenost side i razmjeri ovog problema:


Ova bolest se od samog nastanka odlikovala brzinom širenja. Broj oboljelih i nastradalih udvostručuje se skoro svakih šest mjeseci. Kada se ova bolest pojavila prvi put 1978. g. u Belgiji, broj oboljelih gotovo da nije prelazio broj prstiju jedne ruke (sedam slučajeva), i ti slučajevi nisu ni okarakterisani kao slučajevi side, izuzev nakon dvije godine.

U 1979. godini pojavljuje se nekoliko prvih slučajeva u Americi koji su zabilježeni kao pojedinačni slučajevi veoma jakog pada imuniteta čiji uzrok nije poznat. Čak i u 1981. godini, kada je u Americi zabilježeno 58 takvih slučajeva, oni nisu bili poznati pod imenom sida (AIDS), nego kao pojedinačna stanja nedostatka ličnog imuniteta.

U 1981. godini pojavljuje se termin AIDS (sida) - bolest stečenog gubitka imuniteta, koja se smatra zaraznom bolešću, nakon što je to otkrio jedan od doktora po imenu Gottlieb.

Pojedinačni slučajevi side, nakon toga pojavljuju se u Sudanu, Portugalu, Filipinima, Honkongu, Japanu i Tajlandu.

Afrički pojas side (srednja Afrika-Zair-Ruanda-Burundi-Kenija) smatra se najopas-



Leukoplakija jezika

nijim, zbog toga što se sida u tim dijelovima svijeta širi ogromnom brzinom, koja vjerovatno nadmašuje brzinu njenog širenja i u samoj Americi. Profesor nauke o virusima Morion Askis na univerzitetu Harvard tvrdi, kako to prenosi Američki magazin "Time" (12/8/1985.), da je jedan od svakih dvadeset u srednjoj Africi (Afrički pojas side) trenutno zaražen virusom side (dakle, 5% od ukupnog stanovništva).

To znači da će se još desetine hiljada drugih zaraziti Sidom u sljedećih pet godina, u ovom dijelu svijeta. (Preneseno iz časopisa "Time", 12/8/1985, str. 48) Časopis "Arab News" (19/1/1986.) prenosi da su naučni istraživači u Briselu izjavili da je 6% stanovnika Zaira, Konga, Ruande i Kenije zaraženo virusom side i da će se kod 10% nosilaca virusa pojaviti simptomi bolesti u roku narednih nekoliko godina.

Vrste ljudi koji oboljevaju od side

Vrste ljudi koji oboljevaju od side razlikuju se od države do države. U SAD-u i Evropi su na prvom mjestu oni koji upražnjavaju nastrani seks i oni čine 70% oboljelih.

Dok u srednjoj Africi, Zairu i okolnim zemljama, nalazimo da su većina njih oni koji se bave prostitucijom i koji stalno mijenjaju partnere, tako da su prostitutke glavni izvor ove bolesti. U ovim zemljama se sida gotovo ograničava na ove dvije vrste (zinalučari i prostitutke). Istovremeno, nalazimo da su manji slučajevi side koji su zabilježeni u zemljama arapskog zaljeva prouzrokovani transfuzijama krvi.

Podjele koje se navode u knjigama i časopisima, vezane za kategorije ljudi koji oboljevaju od side, u stvari govore o SAD-u i Evropi. To su sljedeće kategorije:

1 – seksualno nastrani:

oni čine 70-74% od ukupnog broja oboljelih od side u Americi i Evropi. Vilijam Fog, direktor centra za praćenje bolesti u Atlanti u SAD-u, govoreći o ovoj kategoriji ljudi koju u Britaniji nazivaju Harolds a u Americi Gays (raskalašeni), kako prenosi magazin "Time" (4/7/1984.), kaže: "Ovi ljudi se ne zadovoljavaju sa spolnim općenjem sa ograničenim brojem svojih prijatelja, nego to pokušavaju uraditi sa svakim koga sretnu. Zato prosjek onih sa kojima spolno opće u jednoj godini dostiže 60 osoba." "Time" u svom osvrtu na njegove riječi kaže: "Kod ovih ljudi seks je pozdrav, nakon kojeg tek slijedi uobičajeni pozdrav i razgovor." Broj seksualno nastranih u SAD-u dostiže cifru od dvadeset miliona, a u Britaniji jedan od svakih pet oženjenih priznaje da je upražnjavao, ili to još čini, nastrani seks. Nema sumnje da postoje milioni ljudi u Evropi koji se ponose time što su seksualno nastrani;


2 – drogeraši:

ovdje mislimo na one među njima koji upotrebljavaju (plave) injekcije koje se ubrizgavaju u venu. Oni čine 17% od ukupnog broja oboljelih od side;

3 – transfuzija krvi i njenih sastojaka:

ovakvi slučajevi oboljenja od side čine 2-4% od ukupnog broja oboljelih. Oni se dijele na one kojima je izvršena transfuzija krvi iz bilo kojeg razloga i one koji su zaraženi hemofilijom. To su djeca koja su oboljela nasljednim oboljenjem koje nose njihove majke, a koje prelazi samo na muške potomke, zato što se ono prenosi putem hromozoma x. S obzirom da muško dijete nosi samo jedan hromozom x, bolest se ukazuje na njemu, dok ženska djeca nose dva hromozoma x, a bolest se nalazi samo na jednom. Ova bolest prouzrokuje manjkavost faktora 8, koji je jedan

Virusna retinopatija



od razloga zgrušavanja krvi. Ako dođe do smanjenja ovog faktora, u tom slučaju doći će do krvarenja koje je nemoguće zaustaviti, čak i prilikom najmanje povrede.

Zbog toga se ova važna materija sakuplja putem organizacija dobrovoljnih davalaca krvi i daje oboljeloj djeci u vidu injekcija koje se daju u venu.

4-6% slučajeva se ne mogu uvrstiti u prethodne kategorije.

Prije dvije godine su časopisi svrstavali grupu Haiti u posebnu grupu. Haiti je ostrvo u Karipskom moru, pod francuskim protektoratom. Većina je njegovih stanovnika afričkog porijekla i živi u veoma bijednom stanju. Ostrvo je tiho i veoma lijepo, te ga posjećuju mnogobrojni turisti iz Amerike i bilo je izletišta seksualno nastranih.

Na samom početku zdravstvene su ustanove zabilježile da je bilo 5% slučajeva oboljenja od side među doseljenicima sa Haitija u SAD (Njujork, Florida i okolna mjesta). Nije bilo poznato zašto su oni oboljeli od side, jer nisu bili seksualno nastrani, niti su konzumirali opojna sredstva. Za kratko vrijeme su doktori otkrili da su oni bili korišteni od seksualno nastranih za mizerne svote novca koje su im ovi davali i da je njihovo bijedno stanje bilo razlogom njihovog pristanka na takve radnje. Zbog toga je ova grupa svrstana među seksualno nastrane i nestala kao posebna grupa.

Stanja koja se ne mogu svrstati ni u jednu od spomenutih grupa mogu se podijeliti na sljedeće grupe:


1 – prostitutke: one čine veliki procenat u srednjoj Africi i pojedinim mjestima koja su poznata po prostituciji, kao što je Bangkok u Tajlandu, Manila na Filipinima i Najrobi u Keniji. Izvršena su ispitivanja na ovim bestidnicama i ustanovljeno je da veliki procenat njih nosi virus side. (Dr. Herfy u knjizi AIDS) U 1985. godini su istraživači primijetili postojanje ove bolesti među prostitutkama u Americi i Evropi. To je postao veliki problem, naročito za vojne snage, jer vojnici imaju česte veze sa prostitutkama.

2 – supruge oboljelih od side: veliki broj supruge oboljelih od side je, isto tako, obolio. Oboljeli od side ponekad bude i oženjen, ali i pored toga upražnjava nastrani seks ili konzumira drogu ili čini blud. Rijede se dešava da suprug bude žrtva side putem transfuzije krvi. S obzirom da se virus koji prouzrokuje sidu prenosi putem spolnog kontakta, kod većine supruge zaraženim sidom pojavljuju se, isto tako, simptomi te bolesti.

3 – djeca oboljelih od side: uz djecu koja obolijevaju od side putem transfuzije krvi ili zbog hemofilije, postoji i određen broj djece koja obole od side zbog prelaska virusa sa jednog od roditelja.

Taj virus, isto tako, prelazi i na embrij i postoji više teorija o tome kako on prelazi na embrij:

1 - sperma u sebi sadrži virus, te njime biva zaražen embrij odmah u svom prvom stadiju. Smatra se da jedan broj nenamjernih pobačaja biva iz tog razloga;



Noduli sarkoma (Kapošiljev sarkon) lokaliziranog na donjoj vilici i vratu.

2 – virus prelazi iz krvi majke u krv embrija preko posteljice, zatim pupčane vrpce do samog embrija;

3 – dijete se zarazi virusom prilikom rađanja i njegovog silaska iz rodnice preko zaražene vagine;

4 – zaraza se desi nakon rođenja usljed neposrednog dodira i jake veze između djeteta i majke ili oca (obično prije pojave simptoma oboljenja). A može se desiti da virus pređe na dijete putem dojke prilikom dojenja;

5 – mogućnost dešavanja zaraze prilikom vještačke oplodnje i djece iz epruvete. To se, usitinu, nekoliko puta desilo u Australiji. Časopis “Eš-Šerkul-evsat” (26/7/1985.) prenio je vijest da je jedna od bolnica u Australiji izvršila vještačku oplodnju četiri žene spermom čovjeka koji je darovao svoju spermom putem banke za spermom, a zatim se ispostavilo da je on bolovao od side;

d) Zabilježeni su pojedini slučajevi oboljenja radnika u pojedinim bolnicama.

Sida zauzima posebno mjesto u srednjoj Africi zbog široke rasprostranjenosti

tumora poznatog pod nazivom Kapošijev sarkom. U Zairu najveći je procenat oboljelih od Kapošijevog tumora, koji stiže do 13% od ukupnog oboljenja ove vrste u svijetu.

Međutim, ovaj se tumor obično veoma sporo razvija i pogađa starije osobe, a sida pogađa mlađe osobe do doba zrelosti (od 20 do 49 godina) i veoma brzo se razvija i širi i ubija pacijenta u roku od dvije ili najviše tri godine od momenta oboljenja.

Opasnost od ove bolesti u Africi leži zbog nekoliko faktora. Prije svega, ova bolest u Africi nije ograničena samo na one koji upražnjavaju nastrani seks, zatim, veoma velika rasprostranjenost prostitucije, uz to je stepen zdravstvene zaštite veoma nizak. Zatim, veliki je broj novorođenčadi koji oboljevaju od te bolesti zato što je veliki broj majki već obolio. U jednom izvještaju stoji da je 36% zairske djece HIV pozitivno. (Danijel Viktor, Sida). Zatim, jedan je od razloga taj što se ne vrši adekvatna dezinfekcija injekcija, čak i u zvaničnim ambulancama. Zato je uloga injekcija za liječenje u prenošenju virusa side u srednjoj Africi veoma moguća. To je slično ulozi injekcija koje se daju direktno u venu od korisnika droge, koji ne dezinficiraju injekcije i upotrebljavaju jednu iglu za više osoba.

Američki magazin "Time" (12/8/1985) navodi da 5% od ukupnog broja stanovnika u "Pojasu side" nosi virus side. Stručnjaci iz Brisela tvrde da 6% stanovnika Zaira, Konga, Ruande, Kenije i Ugande nose virus side, i da će 10% njih oboljeti od side za nekoliko sljedećih godina.

Troškovi side

Sida nije samo ubitačna bolest, nego je ona i bolest koja veoma mnogo košta. Uprkos tome što još ne postoji odgovarajući lijek za ovu bolest, troškovi njege oboljelog kreću se između 50 000 i 150 000 dolara ("Time", 12/7/1985). S obzirom da u Americi broj oboljelih od side prelazi 17 000 i da prosječni troškovi jednog bolesnika iznose 100 000 dolara, njega oboljelih od side je do kraja 1985. g. koštala vladu SAD-a 1700 miliona dolara. Ako se tome dodaju gubici radnih dana oboljelih i drugo, materijalni gubici prelaze 5 milijardi dolara. A ako se tome dodaju troškovi naučnih istraživanja vezanih za sidu i analize krvi, koje su obavezne prilikom svakog uzimanja krvi, onda ti gubici prelaze desetine milijardi dolara, pogotovo ako bismo uračunali troškove oboljelih od side i naučna istraživanja na tom polju u Evropi i ostalim dijelovima svijeta.

STRAH OBUHVATA SAD, EVROPU I OSTALE DIJELOVE SVIJETA

Rezultat konstantnog i brzog porasta side jeste strah i bojazan koja se uvlači u zapadna društva. Časopisi i novine, sve češće prenose demonstracije seksualno nas-tranih u Americi i Evropi koji traže od svojih vlada da ih zaštite od “nove kuge” - side.



Kaposi's sarkom

Još odavno je ministrica za zdravstvo u SAD-u Margaret Henkler izjavila (4/7/1983.) da je sida glavni problem ministarstva za zdravstvo u SAD-u.

Istinu je kazao Poslanik, s.a.v.s., kada je rekao: "Kada se u jednom narodu pojavi zinaluk i rasprostrani do te mjere da se javno čini, u njemu će se pojaviti kuga i bolesti koje nisu postojale među njihovim precima, koji su prije njih živjeli." (Prenosi ga Hakim, Ibn-Madže i El-Bezzar)

Evo vidimo kako se razne bolesti, anomalije i kuge (pojam kuga upotrebljava se za svaku zaraznu bolest, iako kuga u osnovi označava zaraznu bolest koju prouzrokuju mikrobi iz porodice Pasteurela, koje prenose uši sa miševa na ljude) šire među onima koji javno zinaluk čine i koji su ogrezli u nemoralu.

U Americi, Evropi i ostalim djelovima svijeta uključena su sredstva za javno informisanje i razni naučni instituti u istraživanju ove zbuñujuće bolesti i smrtonosne zagonetke.

Ministarstvo zdravlja u SAD-u izdaje poseban bilten koji govori isključivo o sidi. Bilten izlazi svake dvije sedmice od 1983. godine. U tom se biltenu prikazuju svi novootkriveni rezultati u vezi s pitanjem side. Isto tako, u gotovo svakom medicinskom časopisu obavezno se može naći članak ili referat o sidi. Čak se novine, radio i TV stanice natječu u tome ko će prvi saopćiti posljednje vijesti u vezi sa sidom.

Vlada SAD-a odredila je poseban telefonski broj za odgovore na pitanja o sidi, koji je u službi 24 sata. Broj tog telefona je 800342 AIDS. Svi pozivi na ovaj broj idu na račun američke vlade čije je sjedište u Njujorku. Ja sam lično nazvao ovaj broj u januaru 1984. g. i dobio podatke o sidi koji su tada bili potpuno novi.

Seksualno nastrane obuzeo je veliki strah, zbog toga što očekuju da svakoga momenta na njih napadne sida. Različita su njihova reagoñanja na ovu bolest koja posebno njih napada. Mnogi su od njih oboljeli od hysterije. Neki su počinili samubistvo, a mnogi su se potpuno razočarali u život i pali u totalni očaj, nakon što su primijetili da je određen broj osoba sa kojima su imali seksualne kontakte već obolio od side. Zato i oni očekuju da obole od side svakog momenta. Sigurni su da nema sumnje u dolazak te bolesti, te se mnogi od njih još više odaju seksu i razvratu.

Drugima je udar side bio koristan, te su prestali upražñjavati nastrani seks bojeći se da ne padnu u kandže side. Bojaznost od side je otišla još dalje, tako da su mnoge prostitutke i okorjeli drogeraši, iz velikog straha od side, prestali upražñjavati prostituciju i koristiti drogu.

Novine "Ukaz" (11/11/1985), američki "Time" (12/8/1985) i mnogi drugi časopisi i novine govore o tome kako je u Holivudu, gradu kinematografije, mnoge obuzeo

strah, pogotovo nakon što je poznati glumac Rok Hadson (koji je bio veliki prijatelj američkog predsjednika Ronalda Regana) obolio od side s obzirom da je Hadson živio u Holivudu, a Holivud je poznat po nemoralu i prostituciji do te mjere da svi njegovi stanovnici imaju međusobne seksualne kontakte. Mnogi od filmova su na temu seksa i glumci u raznim scenama veoma često ljube glumice... Ubitačni strah je učinio da se njihov život oslanja na pilule za smirenje živaca i ublažavanje bolova i još većem upotrebljavanju opojnih sredstava kao što je kokain i heroin.

Jedan stomatolog koji radi u Holivudu, koji je član udruženja za borbu protiv side, izjavljuje da se ne bi iznenadio da mnoge "filmske zvijezde" obznane svoje oboljenje od side u toku nekoliko sljedećih mjeseci. Taj stomatolog je odbio da kaže imena onih za koje sumnja da su oboljeli od side.

Svjetske agencije prenose vijest o tome kako poznata glumica Linda Evans koja je poljubila Roka Hadsona u poznatoj seriji "Dinastija" živi u velikom strahu od "smrtonosnog poljupca", pogotovo nakon što su medicinari otkrili da se virus koji prouzrokuje sidu nalazi i u pljuvački oboljelih. A Rok Hadson je prilikom tog poljupca bio već obolio od side.

Predsjednik udruženja glumaca u Holivudu izjavljuje: "Holivud je grad u kojem svi njegovi stanovnici prihvataju jedni druge u svako doba..." Zato je neophodno poduzeti veće mjere predostrožnosti, kao što je analiza krvi svih radnika u kinematografiji, a posebno glumaca i glumica, radi utvrđivanja postojanja virusa side u njihovoj krvi.

Isto tako je strah obuzeo američke oružane snage, do te mjere da su vlasti u Americi počele razmišljati o planskoj borbi protiv side među pripadnicima svojih oružanih snaga.

Dosadašnji medicinski podaci ukazuju na to da osoba u kojoj se nalazi virus (HTLV III) nije u stanju da se izliječi, nego taj virus ostaje trajno u njegovom tijelu. Takva osoba nosi u sebi taj virus i postoji velika mogućnost da oboli od side ili od preteče side (Pre AIDS) koja se manifestuje kroz limfne žlijezde, koje se naglo šire na tijelo oboljelog.

Ovakve osobe mogu biti uzrok zaraze i prenošenja bolesti na druge, iako se na njima ne vide nikakvi tragovi bolesti.

Oni koji u sebi nose ovaj virus i oni koji su oboljeli od side, ili preteče side, ne bi trebali darovati svoju krv ili bilo koji dio svoga tijela, čak ni poslije smrti.

Bolest se može prenijeti putem spolnog odnosa, ili upotrebom istih injekcija, ili putem pljuvačke. Zato se ne smije koristiti tuđa četkica za zube, aparat za brijanje i

ostale lične stvari.

Sida se može prenijeti preko jednog od bračnih drugova, koji je obolio od side, što znači da ona može preći i na embrij i djecu.

Injekcije se mogu koristiti samo jedanput, a zatim se odstranjuju i uzimaju nove.

Potrebno je izvršiti preglede na osnovu kojih će se ispitati postojanje virusa (HTLV III) kod osoba za koje se sumnja da bi mogli biti izloženi toj zarazi, kao što su seksualno nastrani, oni koji imaju kontakt sa sidom i oni koji su primili krv prije ovih analiza.

UKRATKO O UZROCIMA SIDE

Učenjaci su nakon velikog truda uspjeli da otkriju virus koji prouzrokuje sidu. To je virus koji spada u porodicu retrovirusa i slični virusima koji prouzrokuju rak krvi vrste T kod čovjeka (HTLV I) po određenim osobinama, a razlikuje se od njega u nekim pojedinostima, zato mu je dat broj III, jer je on treći virus koji je otkriven iz ove porodice virusa (HTLV III).

Izgleda da je to isti onaj virus kojeg je otkrio Montanije i njegov tim u Francuskoj, kojeg su nazvali virusom koji prati rast limfnih žlijezda Lymphadenopathy (LAV). Isti virus je otkrio i dr. Lifi u San Francisku, kojeg su nazvali virus koji je povezan sa sidom (AIDS) Related Virus (ARV).

Ova tri virusa (HTLV III), (ARV) i (LAV) slična su u sljedećim zajedničkim osobinama:

- 1 – posebno napadaju limfne ćelije iz grupe T, a naročito T4;
- 2 – primijećeno je postojanje odbrambenih tjelašca protiv ova tri virusa, gotovo u istom procentu kod nekoliko grupa:
 - a) oboljelih od side;
 - b) bolesnika u fazi pred sidom;
 - c) seksualno nastranih koji nisu oboljeli od side;
 - d) dobrovoljnih davalaca krvi iz Zaira;
- 3 – ribonukleinska kiselina (RNA) nasljedna je tvar kod sva tri virusa;

Metastaza Kaposi's sarkoma kojim je obuhvaćena čitava desna ruka



4 – sva su tri virusa slična, čak, gotovo potpuno identična pod lupom elektronskog mikroskopa;

5 – brojne su analize pokazale da je gen koji nosi nasljedne osobine kod sva tri virusa potpuno sličan i da ga je nemoguće razlikovati.

Zbog svih ovih razloga mišljenje istraživača je da su sva tri ova virusa u stvari samo jedan virus, ili u najmanju ruku veoma slični virusi.


Međutim, otkrivanje virusa koji prouzrokuje ovu bolest nije dovoljno da se može tvrditi da je taj virus jedini uzrok spomenute bolesti. Poznato nam je iz nauke o mikroorganizmima i parazitima da postojanje virusa, bakterije ili određenog parazita u tijelu čovjeka nije dokaz bolesti.

Mnogo je osoba koje nose virus ili bakteriju, a ne obole, a ima osoba koje obole,

a veoma je teško otkriti virus koji je prouzrokovao bolest.

Nastanak bolesti je, dakle, uslovljen i drugim veoma važnim faktorima. Prateći faktori nastanka bolesti side jesu:

1 – sperma seksualno nastranih koja oslabljuje imunitet i automatski olakšava širenje ovog mikroba;



Alopecia areata

2 – seksualna nastranost i upotreba droge šire grupu mikroba koji oslabljuju odbrambeni mehanizam. Jedan od njih je Epštajn-bar virus i Citomegalovirus;

3 – upotreba nitratskih lijekova, a posebno udisanje amil nitrata, kojeg koriste seksualno nastrani kako bi produžili moć seksualnog djelovanja. Ustanovljeno je da ova tvar utiče na smanjenje imuniteta;

4 – nasljedna spremnost za primanje bolesti i nemogućnost odbrane ili borbe protiv nje;

5 – ustanovljeno je da prostitutke, usljed mnoštva spolnih kontakata sa različitim osobama, imaju smanjen imunitet, naročito kada su u pitanju spolni organi.

ODBRAMBENI SISTEM I NJEGOVO STANJE PRILIKOM OBOLJENJA OD SIDE

Sida je bolest prilikom koje se gubi imunitet. Da bi razumjeli ovu rečenicu, moramo biti svjesni da je Allah, dž.š., podario organizmu čovjeka (i ostalih živih bića) efikasna odbrambena sredstva koja ga štite od neprijatnosti njegovih “neprijatelja” i uzvraćaju na “zavjere prevaranata” i napade “silnika napadača”.

Ta sredstva sastoje se u sljedećem:

- bijela krvna zrnca: bijelih krvnih zrnaca ima više vrsta, a ona koja su zadužena za borbu protiv napadača poznata su pod imenom limfociti, koji se nalaze u krvi, žlijezdama, jetri, slezeni i koštanoj srži.

PUTEVI PRENOŠENJA SIDE

Govorili smo o grupama oboljelih od side, ta podjela upućuje i na puteve njenog prenošenja, koji se svode na sljedeće:

1 – spolni odnos: ukoliko osoba u sebi nosi virus side, spolni odnos, makar se radilo i zakonskom bračnom odnosu između vjenčanih parova, dovodi do oboljenja njenog partnera. Zato što virus, prije svega, prelazi putem izlučivanja sperme.

Ukoliko se, recimo, nađe osoba koja se naziva biseksualac, tj. koja upražnjava nastrani seks, a istovremeno i normalni vid seksa, virus kojeg nosi, neće preći samo na one sa kojima upražnjava nastrani seks, nego će preći i na osobe drugog pola sa kojima ima odnos.

Statistike pokazuju da 70-74% oboljelih od side u SAD-u i Evropi spada među seksualno nastranim;

U Zairu, Srednjoafričkoj republici, Ruandi, Burundiju, Keniji i Zambiji (takozvanom afričkom pojasu) pojava side vezana je za prostituciju, a zatim se prenosi na muževe, supruge i djecu.

2 – vještačka oplodnja: s obzirom da sperma sadrži viruse koji prouzrokuju sidu, često vještačka oplodnja biva uzrok oboljenja žene koja primi takvu spermu. U Australiji su se desila četiri takva slučaja (Eš-Šerkul-evsat, 26/7/1985.);

3 – zatrovane injekcije koje se daju u venu: poznato je da hronični drogeraši, pogotovo oni među njima koji koriste heroin i morfin, u tu svrhu upotrebljavaju injekcije koje ubrizgavaju direktno u venu, a znamo da virus side biva u krvi, te se na taj način širi sida među drogerašima.

Ustanovljeno je da je 17% od ukupnih slučajeva side u Americi i Evropi među drogerašima.

Ova opasnost postoji i u zemljama trećeg svijeta, zato što se jedna injekcija upotrebljava za više bolesnika, bez potrebne dezinfekcije. Zato bolest može da se prenese putem injekcija koje se daju u venu, ili, čak, putem injekcija koje se daju u mišice, ako injekcije nisu dovoljno dezinficirane.

S obzirom da mnoge siromašne zemlje u Africi i Aziji nisu u stanju da osiguraju dovoljan broj injekcija za jednokratnu upotrebu (Disposable Syringes), zdravstvene ustanove tih zemalja dužne su da uvedu stroge mjere kontrole dezinficiranja injekcija i drugih medicinskih instrumenata, jer se ovim putem mogu zaraziti milioni ljudi;

4 - transfuzija krvi ili njegovih sastojaka: znamo da virusi koji prouzrokuju bolest side biva u krvi. S obzirom da jedan mililitar krvi oboljelog od side sadrži približno 100 000 jedinki aktivnih virusa, prenošenje krvi ili njegovih sastojaka dovodi do prenošenja bolesti sa oboljelih na zdrave.

Ustanovljeno je da oboljeli od hemofilije vrlo lahko oboljevaju od side.

Prenošenje krvi smatra se uzrokom oboljenja od side u 2-4% od ukupnog broja oboljelih u Americi i Evropi.

U Saudijskoj Arabiji pojavila su se dva slučaja side zbog transfuzije krvi koja je uvezena iz SAD.

Smatra se da će ovaj razlog u potpunosti nestati u skoroj budućnosti, zato što se faktor 8, koji se daje oboljelim od hemofilije podvrgava temperaturi od 60 stupnjeva što je dovoljno da se uništi taj virus.

Isto tako, centri za prikupljanje krvi vrše analizu kojom se otkriva postojanje odbrambenih tjelašca protiv virusa side, pa ako se ustanovi njihovo postojanje u krvi, ta krv se stavlja van upotrebe.

Postoji mogućnost oboljenja od side doktora i radnika u laboratorijama koji rade sa krvlju bolesnika koji su zaraženi virusom side;

5 – djeca oboljelih od side, ili onih koji nose virus koji prouzrokuje oboljenje. Virus se prenosi sa jednog od roditelja na dijete na nekoliko načina:

- a) sperma: sperma sadrži viruse side. Prilikom oplodjenja jajašca od spermatozoida virus ulazi u jajašce, što može prouzrokovati pobačaj;
- b) virus prelazi iz krvi majke u krv embrija posteljice;
- c) dijete obolijeva prilikom rađanja i izlaska iz materice preko vagine;
- d) oboljenje se desi nakon poroda putem dojenja iz dojke;
- e) oboljenje se desi usljed jako bliske veze između djeteta i njegovih roditelja;

6 – lučenje pljuvačke i suza: pljuvačka i suze sadrže virus side i mogu preći od zaražene osobe do drugih na takav način;

7 – postoji mogućnost oboljenja putem pljuvanja i kašlja.

8 – postoji mogućnost oboljenja putem tekućine poznate pod imenom “cerebrospinalni likvor”. To se odnosi na medicinare, bolničare i službenike u laboratorijama koji rade na analizi takvih tekućina;

9 – postoji mogućnost prelaska bolesti putem mokraće i stolice. Sretna je okolnost da još nije zabilježen slučaj prenošenja side ovim načinom. Laboratorije, do sada, nisu uspjele odvojiti dotični virus iz mokraće i stolice.

Nije začuđujuće postojanje ovog virusa u tim sekretima, jer se virus nalazi u svim sekretima tijela, kao što je: sperma, pljuvačka, cerebrospinalni likvor, suze i, svakako, krv i plazma;

10 - mogućnost zaraze onih koji rade sa oboljelim od side; posebno se to odnosi na medicinare, bolničare i radnike u bolnicama. To obično biva putem ogrebotina, zaraženih injekcija, krvi, ili putem sekreta koji u sebi sadrže virus side.

Desilo se nekoliko slučajeva oboljenja side među radnicima u bolnicama i bolničarima.

SIMPTOMI BOLESTI SIDE

- 1 – Povećanje limfnih žlijezda sa obje strane tijela;
- 2 – gubitak više od 10% težine u roku od dva mjeseca;
- 3 – stalna groznica sa redovnim preznojavanjem noću, koje traje nekoliko mjeseci;
- 4 – upala pluća sa otežanim disanjem i kašljanjem, koje obično biva prouzrokovano parazitom koji se zove *Pneumocystis Carini*;
- 5 – kožno oboljenje koje se ogleda putem tačkastih udubljenja koja liče modricama na bilo kojem dijelu tijela, i gljivičasta oboljenja ili bakterijske infekcije na koži;
- 6 – probavni kanal: gljivice kandida u ustima, na jeziku, u grlu i jednjaku. Jak proljev prouzrokovan virusima kao što je Cytomegalovirus, ili gljivicama kao što su *Cryptosporidiasis*;
- 7 – nervni sistem: bolesnik postaje neuračunljiv i razočaran, a zatim ga na kraju obuzima ludilo. Pojavljuju se i drugi simptomi, kao što je upala moždanih ovojnica, što prouzrokuje različite vrste paralize sa jakom glavoboljom i groznicom, kao što se desi i da bolesnik oslijepi.

Ono što još više utječe na pogoršanje stanja jeste činjenica da bolesnik od side zna da mu nema lijeka, te uočava da ga svi izbjegavaju, čak i njegova najbliža porodica i roditelji. Svi se oni boje zaraze. Još više se povećava njegovo ogorčenje kada zna da ga možda neće niko htjeti umotati u ćefine kada umre. Možda će primijetiti i u pogledima samih doktora i bolničara osjećaj straha i prezira prema njemu. U najmanju ruku tako osjećaju pojedini bolesnici od side koji su to izjavili.

Rijetko se desi da ih neko posjeti, izuzev njihovih prijatelja koji su zajedno sa njima upražnjavali sve te nastranosti. To prouzrokuje veliki strah i kod njihovih partnera, kada vide tragičan završetak koji i njih čeka.

PROSJEČNA DUŽINA ŽIVOTA

Prosječna dužina života, nakon otkrivanja zloglasnih otekline "Sarkoma" kod oboljelih od side iznosi 16 mjeseci. Dok prosjek dužine života nakon otkrivanja parazitskih oboljenja na plućima ne prelazi 8 mjeseci. Postoje rjeđi slučajevi u kojima se desi da bolesnik od side živi preko dvije godine, ali u svakom slučaju nije poznato da je bilo koji bolesnik od side živio duže od tri godine. To znači da je sida ubitačna najdalje u roku od tri godine nakon pojave njenih simptoma u 100% slučajeva. To je razlog koji strah od ove vrste bolesti dovodi do stupnja hysterije.

LIJEČENJE SIDE

Do sada nije pronađen uspješan lijek protiv side. To ne znači da medicinari neće u skorije ili dalje vrijeme pronaći lijek za ovu opasnu bolest koja usmrćuje u roku od dvije do tri godine od pojave njenih simptoma. Procenat smrtnih slučajeva ove bolesti je 100%.

Bez obzira na to, troškovi brige oko jednog bolesnika u SAD-u iznose 50 000 do 150 000 dolara. To su ogromni troškovi za državu (1700 miliona do kraja 1985.) Uz to još treba dodati stotine miliona koji se utroše na medicinska istraživanja vezana za sidu (američka vlada odredila je iznos od 200 miliona dolara za istraživanja vezana za sidu), i hiljade miliona koji su gubici u vidu izgubljenih radnih sati zbog ove strašne bolesti.

Liječenje oboljelih od side može se podijeliti na sljedeći način:

- 1 – liječenje parazitskih oboljenja;
- 2 – liječenje zloglasnih otoka sarkoma;
- 3 – liječenje osnovnih faktora oslabljenog imuniteta;
- 4 – pokušaj liječenja i borbe protiv virusa side HTLV III.

ISTINSKO LIJEČENJE (ZAŠTITA PRIJE OBOLJENJA)

Istinski lijek side nisu lijekovi i hemikalije niti je lijek u pronalasku vakcine protiv virusa side, bez obzira što je ideja o vakcini još aktuelna. Zato što virus side, kao i virus gripe, mijenja antigene koje u sebi sadrži, tako da je teško pronaći novu vrstu vakcine za različite antigene koji se stalno mijenjaju.

Međutim, istinski je lijek u povratku kreposti i čednosti i udaljavanju od poročnosti i droge. Ako znamo da je 90-95% slučajeva side u SAD-u i Evropi vezano za nemoral (70-74% nastrani seks, 17-20% drogu i 2-3% prostituciju), a većina tih slučajeva u Africi je vezana za prostituciju, onda je istinski lijek udaljavanje od sljedećih stvari:

- 1 – nastranog seksa;
- 2 – droge;
- 3 – zinaluka.

Dakle, lijek nije u tabletama i hemikalijama, niti u zračenju i vakcinisanju, jer je kamen spoticanja u liječenju veneričnih oboljenja ljudski moral.

Nažalost, mi vidimo kako medicinari i sredstva za informisanje na Zapadu izbjegavaju poziv u krepost i čednost, a svoje savjete upućuju na sljedeći način:

1 – ako si od onih koji upražnjavaju nastrani seks, onda sebi izaberi samo jednog suparnika, umjesto da upražnjavaš seks sa svakim koga sretnoš;

2 – ako si od onih koji upotrebljavaju drogu, nastoj da upotrebljavaš samo dezinficirane injekcije, koje nisu prije upotrebljavane i da svaku injekciju baciš odmah nakon upotrebe;

3 – ako si od onih koji upražnjavaju zinaluk, moraš izabrati samo jednu ljubavnicu. Isti je savjet i ženskoj osobi, ona treba da izabere samo jednog ljubavnika.

Kako su ovi savjeti bezvrijedni i niski. Oni su očit dokaz moralne dekadence u kojoj se nalaze zapadnjaci.

Čak ako bi se i uspio pronaći adekvatan lijek za sidu, to uopće ne znači da će se njime stati u kraj ovoj zloglasnoj i opasnoj bolesti. Nasuprot otkrića lijeka za sifilis, gonoreju i klamidiju i lahkooće dolaska do njega, ova oboljenja su u zastrašujućem porastu. Broj oboljelih od sifilisa prelazi 50 miliona novooboljelih svake godine, broj

oboljelih od gonoreje prelazi 250 miliona godišnje, a broj oboljelih od klamidije prelazi 300 miliona godišnje. U SAD-u broj oboljelih od herpesa prešao je 20 miliona i svake godine se broj oboljelih povećava za pola miliona.

Sve to i pored dovoljne količine lijekova za ove bolesti i njihove jednostavne upotrebe. Milioni ljudi pate od ovih oboljenja.

Sve ovo je potvrda riječi Poslanika, s.a.v.s., u kojima kaže: “Kada se u jednom narodu pojavi zinaluk i rasprostrani do te mjere da se javno čini, u njemu će se pojaviti kuga i bolesti koje nisu postojale među njihovim precima koji su prije njih živjeli.” (Prenosi ga Hakim, Ibn-Madže i El-Bezzar)

U drugom hadisu stoji: “Kada se u određenom naselju pojavi zinaluk i kamata, njeni stanovnici su zaslužili Allahovu, dželle šanuhu, kaznu. (Prenosi ga El-Hakim od Ibn-Abbasa i kaže da je sahih.)

Ovodunjalučke kazne su, i pored svoje težine i strahote, beznačajne u odnosu na ahiretske kazne koje su daleko jače i žešće.

Drugi vidovi čuvanja od bolesti side

S obzirom da se sida može prenijeti putem transfuzije krvi ili njenih sastojaka, potrebno je poduzeti sljedeće mjere predostrožnosti:

- 1 – neuvoženje krvi iz zemalja u kojima je sida rasprostranjena;
- 2 – analiza krvi koja se uzima radi ustanovljavanja postojanja odbrambenih tjelašca od virusa HTLV III. Ako analiza pokaže da u toj krvi postoje tjelašca za odbranu od tog virusa, dotičnom čovjeku će se zabraniti da daje svoju krv ili bilo koje dijelove svoga tijela. (Ovo su veoma rijetki slučajevi u islamskim zemljama);
- 3 – analiza već postojećih zaliha krvi, krvne plazme i drugih krvnih sastojaka radi ustanovljavanja postojanja odbrambenih tjelašca od virusa HTLV III;
- 4 – svi koji su bili u dodiru sa bolesnikom koji je obolio od side, (oboljeli od hemofilije, drogeraši i oni koji su oboljeli od sifilisa), dužni su prestati davati svoju krv;
- 5 – oboljeli od hemofilije kojima je potreban faktora 8 moraju prije njegove upotrebe ustanoviti da je taj faktor bio izložen temperaturi od 68 stupnjeva u trajanju od 24 sahata. Poznato je da se zagrijavanjem faktora 8 na toj temperaturi i u toj vremenskoj dužini ubija virus koji prouzrokuje sidu.

S obzirom da se u većini zemalja svijeta danas vrši analiza krvi, faktor osam koji se prikuplja iz te krvi trebao bi biti čist od virusa side.

Saudijska Arabija preduzela je novu preventivnu mjeru, koja se ogleda u tome da oni koji dolaze iz mjesta koja su zaražena sidom moraju imati stručni dokaz da nisu zaraženi virusom side, putem analize krvi. Saudijska vlada je zatražila od svojih ambasada da ne daju vize strancima koji dolaze iz Londona, Tajlanda i Amerike, izuzev nakon utvrđivanja da njihova krv ne sadrži virus side;

6 – ograničenje turističkih posjeta, naročito u ona mjesta koja su zaražena sidom, kao što je Njujork, San Francisko, Los Anđeles i drugi zapadni velegradovi;

7 – izbjegavanje klubova za zabavu, masažu i slično;

8 – udaljavanje od radnji u kojima se toči alkohol i mjesta na kojima se sakupljaju drogeraši;

9 – izbjegavanje seksualno nastranih i mjesta na kojima se oni sakupljaju;

10 – izbjegavanje poročnih sredina koje se počesto reklamiraju kao društva umjetnosti i zabave;

11 – dobro prati ruke nakon svakog kontakta sa bilo kojom osobom oko čijeg ponašanja postoje sumnje, a posebno ako se zna da je on seksualno nastran ili da konzumira drogu.

MJERE ZAŠTITE I PREDOSTROŽNOSTI KOJE JE DUŽNA PODUZETI OBITELJ OBOLJELOG OD SIDE ILI NOSIOCA VIRUSA SIDE

Mjere su sljedeće:

1 – supruga će prestati sa spolnim odnosom sa svojim mužem koji je obolio od side. Ne samo to, nego će supruga ukoliko se ustanovi da njen muž nosi odbrambena tjelašca od side, a on još nije obolio, prestati da sa njim spolno opći.

Ovo je, najvjerovatnije, najteža stvar ukoliko se želi primijeniti, jer postoje milioni ljudi u svijetu za koje se smatra da u sebi nose tjelašca za odbranu od virusa side;

2 – neupotrebljavanje tuđe četkice za zube;

3 – neupotrebljavanje tuđeg pribora za brijanje i zajedničkih peškira. To treba postati općeprihvaćena i normalna stvar svih ljudi;

4 – oblačenje rukavica i zaštitne maske prilikom njege bolesnika i mijenjanja njegove odjeće i posteljine.

MJERE ZAŠTITE I PREDOSTROŽNOSTI KOJE SU DUŽNI PREDUZETI MEDICINARI I BOLNIČARI KOJI VODE BRIGU O OBOLJELIM OD SIDE

Ove mjere su sljedeće:

1 – s obzirom da virus side prelazi na drugog putem krvi i uboda inficiranim iglama, oni koji rade u laboratorijama i koji uzimaju krv od bolesnika dužni su zaštititi se i čuvati se od upotrebe igala na nestručan način. Isto tako dužni su čuvati se da im koja kap krvi ne padne na njihovo tijelo ili ruke.

Zbog toga se mora strogo voditi računa prilikom uzimanja uzoraka krvi, a to je da se ti uzorci stave u plastičnu epruvetu i da se ustanovi da nisu zatrovani. Uz to je obavezno oblačenje gumenih rukavica;

2 – stomatolozi su dužni da prilikom liječenja zuba bilo koje osobe za koju se sumnja da bi mogla biti bolesnik od side, oblače naočale, zaštitnu masku i rukavice;

3 – ljekari i bolničari dužni su da stavljaju naočale, oblače zaštitne maske i rukavice prilikom svakog, makar i najmanjeg, operacionog zahvata kod oboljelih od side, ili onih za koje se sumnja da nose virus side;

4 – upotreba rukavica, zaštitne maske i naočala prilikom pregleda bolesnika od side, promjene njihove odjeće i posteljine i prilikom uzimanja uzoraka njihove mokraće, stolice, krvi ili bilo kojih drugih uzoraka radi njihove analize ili liječenja oboljelih.

VENERIČNA UPALA MOKRAĆNIH KANALA (KLAMIDIJA N.G.U.)

Venerična upala mokraćnih kanala (bez gonoreje) smatra se najrasprostranjenijim veneričnim oboljenjem u većini zemalja svijeta. Dr Vilkoš u svom članku kojeg je objavio časopis "Medicine Dajžest" (4/1980.) tvrdi da je broj oboljelih od venerične upale mokraćnih kanala u Engleskoj bio duplo veći od broja oboljelih od gonoreje u 1978. g. Broj oboljelih od venerične upale mokraćnih kanala u toj godini dostigao je

77876 među punoljetnim muškarcima, a broj oboljelih od gonoreje je dostigao 35109.

Broj oboljelih od venerične upale mokraćnih kanala u Americi dostigao je 6 miliona godišnje, a broj oboljelih od gonoreje, 3 miliona godišnje. ("The Principals and Practice of Infections Diseases", 1979., Mandell, Douglas + Benne)

U zemljama Skandinavije ustanovljeno je da 5-10% djevojaka koje posjećuju ordinacije za planiranje porodice, a čija starost ne prelazi 20 godina ima klamidiju koja prouzrokuje veneričnu upalu mokraćnih kanala. (Skandinavski kongres o klamidiji 1981.g.)

U većini ordinacija za spolne bolesti ustanovljeno je da 26% slučajeva posjeduje mikrob klamidiju. (Venerične bolesti-rasprave na kongresu koji je održan u Londonu 22-23/6/1975. g.)

GONOREJA (KAPAVAC)

Rasprostranjenost gonoreje

Gonoreja se smatra najraširenijom veneričnom bolešću u svijetu. Broj oboljelih godišnje prelazi 250 miliona, prema izvještaju svjetske organizacije za zdravstvo za 1975. g. Gonoreja je u vrhu liste veneričnih oboljenja u većini zemalja trećeg svijeta. Jedino je iznad nje venerična upala mokraćnih kanala (N.G.D.) koja nije prouzrokovana gonorejom, nego je prouzrokuje klamidija.

U zemljama Zapada (Evropa i SAD) gonoreja zauzima drugo mjesto, nakon venerične upale mokraćnih kanala bez gonoreje.

U knjizi "Principals and Practice of infectious Diseases", koja je izdata 1979. g. stoji: "Broj oboljelih od gonoreje prelazi cifru od 3 miliona godišnje. Isti broj spominje i medicinski priručnik Merk prenoseći ga od Atlanta centra za borbu protiv zaraznih bolesti u pokrajini Džordžija.

S obzirom da evidentiranje oboljelih od veneričnih bolesti nije precizno, čak ni u Americi i Evropi, smatra se da se u zvaničnim ustanovama evidentira samo tri od deset slučajeva oboljenja od gonoreje u Americi. Zato što se liječenje od ovih bolesti pretežno vrši u privatnim ordinacijama, kako tvrdi dr. Vilokos u medicinskom časopisu za Sjevernu Ameriku. ("Medical Clinics of N. America", 1972., 5:6)

GRUPE KOJE SU VIŠE IZLOŽENE OBOLJENJU OD GONOREJE I OSTALIH VENERIČNIH BOLESTI

Seksualna nastranost: istraživanja su pokazala da su seksualno nastrani, čiji broj u SAD-u trenutno prelazi 18 miliona, najviše zaraženi veneričnim bolestima, iako je sloboda seksa uzela maha kod svih: muškaraca i žena. I pored toga, ova grupa je najizloženija veneričnim bolestima.

Zato što se oni, kako ističe dr. Fevdž, ne zadovoljavaju spolnim općenjem sa ograničenim brojem svojih prijatelja, nego to pokušavaju uraditi sa svakim kog sretnu. Zato prosjek onih sa kojima spolno opće u jednoj godini dostiže 60 osoba." "Time ", (broj 4, juli 1983.) u svom osvrtu na njegove riječi, kaže: "Kod ovih ljudi je seks pozdrav, nakon kojeg tek slijedi uobičajeni pozdrav i razgovor."

Genoreja je prisutnija kod seksualno nastranih 270% više nego kod običnog američkog naroda. (Referat dr. Vilkoksa koji je prezentovan na kongresu o

Očna gnojna upala novorođenčeta uslijed gonoreje.



veneričnim bolestima koji je održan u Londonu juna 1975. g.

Sexualno nastrani su grupa sa najvećim procentom oboljenja od side koja se je prvi put pojavila u SAD-u 1979. g. Oni čine 72% od ukupnog broja oboljelih od ove strašne smrtonosne bolesti.

Oni su izvor 50% od ukupnog broja oboljelih od sifilisa u SAD-u čiji stanovnici broje više od 260 miliona.

Oružane snage: istraživanja koja su objavljena u američkoj vojsci 1972. g., a koja je objavio dr Vilkolks u svom referatu o veneričnim oboljenjima kojeg je podnio kongresu održanom u Londonu 22-27 juna 1975. g. pokazuju sljedeće:

- četrdeset na svakih hiljadu vojnika u SAD-u zaraženi su gonorejom;
- 641 na svakih hiljadu američkih vojnika u Tajlandu zaraženi su gonorejom;
- 700 na svakih hiljadu američkih vojnika u Koreji zaraženi su gonorejom;
- u Vijetnamu ta cifra dostiže 739,6 na svakih hiljadu vojnika, tj. 74% od ukupnog broja američkih vojnika koji su se nalazili u Vijetnamu 1972;
- u Vijetnamu je prosječno 40 000 vojnika oboljevalo od gonoreje sedmično u 1972. g.

Prostitutke: prostitutke su grupa koja je procentualno najviše pogođena veneričnim oboljenjima, a naročito gonorejom, u svim dijelovima svijeta.

U Britaniji je prostitucija zvanično zabranjena 1959. g., zatim u SAD-u i mnogim drugim zemljama svijeta, međutim, zinaluk je u njima ostao prisutan nezvanično. Postoje mnoge zemlje koje još zvanično dozvoljavaju prostituciju i ona se vrši pod nadzorom njihovih vlada. Te zemlje su mnogobrojne i nalaze se na svih šest kontinenata. U Evropi je to Francuska, Italija i Austrija. U Aziji se ističu: Tajland, Filipini i Indija. Isti je slučaj sa mnogim djelovima latinske Amerike, srednje Afrike i pojedinim zemljama islamskog svijeta, kao što je Turska, Tunis, Alžir, Maroko, Iran (za vrijeme Šaha), Pakistan (do vladavine Buto), Sirija, Libanon i Indonezija.

Ustanovljeno je da je 90-100% prostitutki zaraženo veneričnim bolestima, a posebno gonorejom. To je zvanično ustanovljeno u sljedećim zemljama: Francuska, Portugal, Austrija, Irak, Egipat, Turska, Indija, Filipini, Tajland i Malezija. To navodi dr. Vilkolks u spomenutom referatu.

Omladina: studija koja je obavljena u SAD-u 1972. g. navodi da omladina između 15 i 19 godina biva izložena ovim bolestima tri puta više nego ostale kategorije društva,

iako su najopasnije godine za oboljenje između 20-24 godine, kada se taj prosjek penje i do šest puta više nego u ostalim kategorijama društva.

Iz nekoliko studija koje su objavili Vilkoš, Arija Vebint i Golen, jasno se vidi da je 25-30% studenata na univerzitetima Zapada zaraženo gonorejom tokom cijele godine.

Studenti i omladina sreću se sa dodatnim izazovima prilikom putovanja (studija Sbluta 1976. g.) iako se smatra da su studenti fakulteta najobrazovaniji sloj jednog društva i da oni dobro znaju za opasnosti od veneričnih oboljenja.

Međutim, seksualni nagon, izbjegavanje braka, opći razvrat i nedostatak moralnih vrijednosti, vjere i vjerskih principa doveo je do ovog visokog procenta ovih bolesti među omladinom, koji gotovo da dostiže procenat oboljenja kod prostitutki i vojnika.

Dr Vilkoš smatra da je jedan od uzroka širenja gonoreje i ostalih veneričnih bolesti izlazak žene na radna mjesta, apel za njenu seksualnu slobodu, zajedničko obrazovanje (muških i ženskih) u školama i na univerzitetima, odlazak radnika na rad van njihove domovine bez svoje porodice, svjetska organizovana trgovina seksom, rasprostranjenost alkohola i droge, turizam, industrijalizacija, nastanak velegradova, nepoštivanje bračnog života, nepostojanje mogućnosti za sklapanje braka i nedostatak moralne i vjerske svijesti.

SIFILIS

“Svijet je bio svjedok velikih valova širenja sifilisa od kako se prvi put pojavio 1494. g. za vrijeme italijansko-francuskog rata u kome se pojavio i raširio zinaluk među vojnicima i time bio uzrok pojave sifilisa. Francuzi su ga zvali italijanskom bolešću, a Italijani su ga zvali francuskom bolešću. Ova bolest je bila uzrokom smrti desetina miliona ljudi, a živote stotina miliona drugih je pretvorila u nesnosnu patnju tokom pet proteklih stoljeća.”

(King, Nikol i Rodez u njihovoj knjizi “Venerične bolesti”, izdatoj 1980. g. i Robert Nobel u svojoj knjizi “Venerične bolesti”, izdatoj 1979. g.)

Rasprostranjenost sifilisa

Sifilis se smatra najopasnijom veneričnom bolešću, uopće, izuzev bolesti side, koja se nedavno pojavila, a koja je svojom opasnošću nadmašila sva pretpostavke. 60% od ukupnog broja oboljelih od side, koja se je pojavila 1979. godine, do danas smrtno je završilo.

Od 1943. g. kada je otkriven penicilin, činilo se da će se sifilis osjetno smanjiti i mnogi doktori su prognozirali njegov potpuni nestanak.

Međutim, i pored smanjenja broja oboljelih od sifilisa u svijetu uopće, a naročito na Zapadu od pedestih godina ovog stoljeća, izvještaj Svjetske zdravstvene organizacije navodi da je broj oboljelih od sifilisa 1975. g. iznosio 50 miliona, kako navodi (medicinski priručnik “Mark”).


To je zaista velik broj!!

Atlanta centar za borbu protiv zaraznih bolesti smatra da je broj oboljelih od sifilisa u SAD-u dostigao 400 000 u 1976. g.

Dr. Ričard Robert u svom referatu, kojeg je napisao za kongres o veneričnim bolestima koji je održan u Londonu 22-25 juna 1975. g., kaže: “SAD su izvršile analizu vezanu za sifilis putem seruma na 38 miliona Amerikanaca u 1974. g. Istraživači su ustanovili da su rezultati milion od njih bili pozitivni, tj. da su oni već bili zaraženi sifilisom bar jednom u periodu svoga života.

Što se tiče novooboljelih od sifilisa, u SAD-u je evidentan pad na tom planu. U 1950. g. zabilježeno je 32 000 novih slučajeva oboljenja od sifilisa, a u 1956. g. taj je

*Sifilistična koljena u fazi Tabes dorsalis.
"Artricitio charcot"*



broj spao na 5 000, da bi se, zatim, taj broj počeo ponovo povećavati 1974. g. kada je dostigao 26 000.

S obzirom da se mnogi od tih slučajeva ne evidentiraju, zato što se liječe u privatnim ordinacijama, spomenuti broj ukazuje samo na jedan dio od stvarnog broja koji po procjenama Atlanta centra za borbu protiv zaraznih bolesti iznosi 400 000.

U zemljama u razvoju isto tako primijećen je oštar pad sifilisa, nakon šire upotrebe penicilina četrdesetih i pedesetih godina ovog stoljeća, ali taj pad nije ni blizu pada koji se desio na Zapadu.

Dr Areja u svojoj knjizi "Venerična oboljenja u tropskim sredinama" kaže: "Sifilis u svim svojim stadijima je još i dalje rasprostranjen u tropskim predjelima i u istočnoj Aziji. Međutim, broj oboljelih je opao u odnosu na broj oboljelih iz četrdesetih i pedesetih godina ovog stoljeća.

U Engleskoj je sifilis doživio veliki pad od 1946 g. kada je broj novooboljelih od sifilisa iznosio 18 000, a zatim se smanjio na 1000 u 1953 g. 1977 g. se desio neznan porast, tako da je taj broj dostigao 1735, od čega je 1486 među muškarcima i 249 među ženama.

Vjerovatno je čitalac uočio da je broj oboljelih među muškarcima daleko veći nego među ženama. To je zbog toga što 26% od ukupnog broja oboljelih od sifilisa pada na seksualno nastrane (homoseksualce). U Engleskoj su seksualno nastrani bili uzrokom 42,4% od ukupnog broja oboljelih od sifilisa.

Šta je to sifilis?

Sifilis je bolest koja se u osnovi prenosi putem spolnog odnosa, ili putem posteljice od majke do njenog embrija, ili putem transplantacije krvi, ili putem dodira u kasnijim fazama.

Osnovni način njegovog širenja je spolni odnos. Zaraza se prenosi od oboljelog na zdravog ili putem normalnog bračnog odnosa (muškarca sa ženom), ili putem nastranog odnosa (u čmar, usnu šupljinu i sl.), ili putem poljupca od osobe koja je zaražena na usnama. Gotovo da ne postoji ni jedan dio tijela koji se ne može zaraziti sifilismom, iako zaraza obično biva na mjestima koja smo spomenuli.

Na dotičnom mjestu pojavljuje se bezbolna, oštro ograničena ranica nakon spolnog odnosa u roku između 10 i 90 dana (prosječno tri sedmice). Može se desiti da ta rana ne bude vidljiva. Ona obično biva bez bolova i traje dvije do šest sedmica, a zatim nestane bez ikakvog liječenja.

To je takozvana početna faza sifilisa (Primary Syphilis), a druga faza se pojavljuje dva do šest mjeseci nakon nestanka spomenute rane. Nakon nje nastupa najopasnija faza koja se zove "kasni sifilis."

Zaštita

Dirhem zaštite je bolji od kvintala lijeka, a najbolji način za zaštitu je izbjegavanje zinaluka, homoseksualizma i svih oblika razvrata, javnih i tajnih.

Allah, džellešanuhu, kaže: **"I što dalje od bluda, jer to je razvrat, kako je to ružan put!"** (EL-Isra', 32) Nema sumnje da je to loš put i da je njegov kraj koban.

Neminovno je učvršćivanje imana i jačanje veze srca sa Allahom, dželle šanuhu, sve dok ne bude vidio Allaha, dželle šanuhu, sa njim u svakoj situaciji. Kada bude na tom nivou, sigurno neće nikada počiniti blud niti bilo šta loše od govora ili krivog svjedočenja.

To je prvi vid zaštite, a drugi vid zaštite je brak. Zaista čovjekova priroda teži za svojom drugom. Allah, dželle šanuhu, kaže: **"O ljudi, bojte se Gospodara svoga, Koji vas od jednog čovjeka stvara, a od njega je i drugu njegovu stvorio, i od njih dvoje mnoge muškarce i žene rasijao."** (En-Nisa', 1) **"...i jedan od**



*Sifilistični čir na koži u fazi Tabes dorsalis
“gummatous”*

dokaza njegovih je to što za vas, od vrste vaše, stvara žene da se uz njih smirite...” (Er-Rum, 31)

Ako se ovaj nagon i strast, koje je Allah, dželle šanuhu, s razlogom stvorio, ne usmjeri onako kako je Allah, dželle šanuhu, odredio, rezultat će biti poguban, jer se oni moraju ispoljiti na određen način. Ako to ne bude na halal način, bit će na haram način. Zato je neophodno olakšati pitanje braka i pružiti svaku pomoć i podršku na tom polju.

Ovo je prvi i najvažniji vid zaštite, a zatim dolaze sporedni vidovi zaštite koji se ogledaju u adekvatnom liječenju oboljelih, blagovremenom otkrivanju bolesti, prije nego što se ona proširi i uzme maha, i prije nego što oboljeli prenesu svoju bolest na druge. S obzirom da oboljeli od sifilisa svoju bolest može prenijeti na svoju suprugu, a ona na svoje sinove, zaraza se ne svodi samo na zinaluk.

Naprotiv, bolesnik od sifilisa u njegovoj drugoj fazi može prenijeti zarazu putem dodira sa bilo kojom zdravom osobom. Isto tako novorođenče koje se rodi sa urođenim sifilisom može prenijeti tu bolest na onoga ko ima dodir sa njegovim sekretima i pljuvačkom.

Dakle, ako se bolest otkrije i počne liječiti, krug zaraze se sužava. To se smatra jednim od veoma važnih vidova zaštite, koji nadopunjuje prvi.

ISTINSKI LIJEK JE KREPOST

Za svaku od spomenutih veneričnih bolesti već postoji određen lijek ili je on u fazi otkrivanja. Međutim, nema sumnje da svi ti lijekovi ne dovode do rješavanja problema u njegovim korijenima i ne nude konačna rješenja.

Isto tako ove probleme ne mogu riješiti zaštitna sredstva, za koje mnogi smatraju da koriste, kao što je upotreba antibiotika i sl. Naprotiv, medicinari savjetuju izbjegavanje antibiotika.

Isto tako se problem ne rješava savjetima koje upućuju pojedini pedagozi i medicinari na Zapadu kako se treba ograničiti na jednu ljubavnicu ili ljubavnika.

Istinsko rješenje se krije u jednoj riječi: KREPOST (neporočnost).

Ova kratka, a sadržajna riječ ima svoju priču koju bih želio ovdje iznijeti. Kada sam pročitao zastrašujuće medicinske ankete o rasprostranjenosti veneričnih bolesti i različitim vrstama nastranog seksa, to me je uplašilo i veoma zainteresiralo. Pogotovo što te bolesti nisu prisutne samo u nevjerničkim sredinama, nego su one vidne i među muslimanima u svim djelovima svijeta, iako je procenat oboljelih među muslimanima daleko manji nego među ostalim narodima.

Jedne noći u snu vidio sam Poslanika, s.a.v.s., ali nisam mogao podići svoj pogled prema njemu iz poštovanja i respekta, pa sam ga upitao: "O Allahov Poslaniče, ljude su razorile venerične bolesti, šta je lijek?"

Poslanik, s.a.v.s., tada mi je odgovorio jednom riječi: "El-Ihsan" "(Krepost)". Zatim sam se prenuo iz sna i razmišljao o ovoj dubokoj riječi koja obuhvata nekoliko značenja. Potom sam pogledao riječnike i ustanovio da ova riječ ima više značenja. Prvo od njih je zaštita i odbrana, zatim krepost, sloboda i brak.

Allah, dželle šanuhu, kaže: ***"I udate žene, osim onih koje zarobite; to su vam Allahovi propisi, a ostale su vam dozvoljene ako želite da im vjenčane darove date i da se njima oženite, a ne da blud činite. A ženama vašim s kojima ste imali bračne odnose dajte vjenčane darove njihove kao što je propisano. I nije vam grehota ako se, poslije određenog vjenčanog dara, s njima nagodite. Allah, zaista, sve zna i mudar je. A onome među vama koji***

nije dovoljno imućan da se oženi slobodnom vjericom - eto mu one u vašem vlasništvu, robinje vaše, vjernice, a Allah najbolje zna kakvo je vjerovanje vaše, ta jedne ste vjere. I ženite se njima, s dopuštanjem vlasnika njihovih, i dajte im vjenčane darove njihove, kako je uobičajeno, kada su čedne i kada javno ne čine blud i kada tajno ne žive s ljubavnicima. - A kada one kao udate počine blud, neka se kazne polovinom kazne propisane za slobodne žene. - To je za onoga od vas koji se boji bluda - a bolje vam je da se uzdržite! Allah prašta i samilostan je.” (En-Nisa', 24-25)

“I ne nagonite robinje svoje da se bludom bave - a one žele da budu čestite...” (En-Nur, 33)

“Merjemu, kćer Imranovu, koja je nevinost svoju sačuvala...” (Et-Tahrim, 12)

“Od sada vam se dozvoljavaju sva lijepa jela; i dozvoljavaju vam se jela onih kojima je data Knjiga, i vaša jela su njima dozvoljena; i čestite vjernice su vam dozvoljene, i čestite kćeri onih kojima je data Knjiga prije vas, kad im vjenčane darove njihove dadete s namjerom da se njima oženite, a ne da s njima blud činite i da ih za prilježnice uzimate.” (El-Maida, 5)

“I naučismo ga da izrađuje pancire za vas da vas štite u borbi s neprijateljem - pa zašto niste zahvalni?” (El-Enbija, 80)

“Jer će poslije toga doći sedam teških koje će pojesti ono što ste za njih pripremili; ostat će jedino ono malo što ćete za sjetvu sačuvati.” (Jusuf, 48)

“...a oni su mislili da će ih utvrde njihove od Allahove kazne odbraniti...” (El-Hašr, 2)

“Samo u utvrđenim gradovima ili iza zidina, oni se protiv vas smiju skupno boriti.” (El-Hašr, 14)

Prvo i najvažnije sredstvo kreposti (zaštite - ihsana) jeste islam i iman. Kada čovjek uđe u krug imana i islama, on se zaštiti najvećom i najefikasnijom zaštitom protiv šejtana, i prelazi iz faze obožavanja šejtana u fazu obožavanja Allaha.

Pa kada njegov iman ojača, Allah mu podari takvaluk (bogobožnost), a takvaluk je da se čuva svega što je Allah zabranio i da izbjegava Njegovu srdžbu, koliko god je u stanju.

To je jaka tvrđava kojom se štiti od nasrtaja šejtana i nagona svojih strasti. Islam i iman jesu prvi i najvažniji vid zaštite kojim on brani sebe od nasrtaja šejtana, nagona i strasti.

Drugi vid ove zaštite, po važnosti, je brak. Islam posebnu podršku daje braku i na njega na razne načine podstiče, a zabranjuje svaki vid udovoljavanja strastima mimo braka.

Allah, džellešanuhu, kaže: **“Udavajte neudate i ženite neoženjene, i čestite robove i robinje svoje...”** (En-Nur, 32)

“Ako se bojite da prema ženama sirotama nećete biti pravedni, onda se ženite onim ženama koje su vam dopuštene, sa po dvije, sa po tri i sa po četiri.” (En-Nisa', 3)

“I ženite se njima, s dopuštenjem vlasnika njihovih, i podajte im vjenčane darove njihove, kako je uobičajeno, kada su čedne i kada javno ne čine blud i kada tajno ne žive s ljubavnicima.” (En-Nisa', 25)

Allah, džellešanuhu, nakon što je spomenuo žene koje su zabranjene kaže: **“...a ostale su vam dozvoljene ako želite da im vjenčane darove date i da se njima oženite, a ne da blud činite.”** (En-Nisa', 24)

Poslanik, s.a.v.s., kaže: “O mladići, ko je od vas u stanju da se oženi neka to uradi, jer će tako lakše sačuvati svoj pogled i svoj spolni organ. A ko od vas nije u stanju da to uradi, neka posti, jer mu je post zaštita.” (Prenosi ga Buharija, Muslim, Ebu-Davud, Tirmizi, Nesai i Malik.)

U drugom hadisu stoji: “Brak je moj sunnet. Ko ostavi moj sunnet, ne pripada meni.” (Prenosi ga Buharija i Muslim.)

“Ako vašu kćerku zaprosi onaj sa čijom ste vjerom i povjerenjem zadovoljni, oženite ga. Ako to ne uradite, na Zemlji će nastupiti veliki nered i fesad.” (Prenosi ga Ebu-Davud i Tirmizi.)

“Ženite umiljate, one koje puno rađaju, jer ću se ja sa vašim mnoštvom ponositi na Sudnjem danu pred drugim narodima.” (Prenosi ga Ebu-Davud i Nesai.)

“Ovaj svijet je (kratki) užitak, a najbolji užitak na njemu je hairli žena.” (Prenosi ga Muslim i Nesai.)

S druge strane, Poslanik, s.a.v.s., zabranio je celibat. Se'ad ibn Ebu-Vekkas (radijallahu anhu), kaže: “Da Poslanik, s.a.v.s., nije zabranio Usmanu ibn Maz'unu celibat, mi bi se kastrirali.” (Prenosi ga Buharija, Muslim, Tirmizi i Nesai.)

Poslanik, s.a.v.s., rekao je Akkafu ibn Bišru et-Temimiju, kada ga je obavijestio da nije oženjen, a bio je zdrav i imućan: “Ti si, onda, jedan od pomagača šejtanovih! Da si kršćanin, bio bi jedan od njihovih svećenika. Naš sunnet je brak. Najgori među vama

su neoženjeni. Zar se sa šejtanom poigravate? Šejtan nema jačeg oružja protiv dobrih ljudi od žena, izuzev onih koji su oženjeni, oni su daleko od zinaluka.” (Prenosi ga Ahmed.)

Poslanik, s.a.v.s., pojasnio je razloge braka i podsticaja na njega i rekao da je to rađanje i razmnožavanje. Nema sumnje da Allah, dželle šanuhu, nije stvorio seksualni nagon bez razloga, nego ga je dao radi opstanka ljudske vrste, isto kao što je učinio nagon za jelom razlogom opstanka jedinke, a opstanak vrste je važniji od opstanka jedinke.

Allah, dželle šanuhu, kaže: **“O ljudi, bojte se Gospodara svoga, Koji vas od jednog čovjeka stvara, a od njega je i drugu njegovu stvorio, i od njih dvoje mnoge muškarce i žene rasijao. I Allaha se bojte - s imenom Čijim jedni druge molite - i rodbinske veze ne kidajte, jer Allah, zaista, stalno nad vama bdi.”** (En-Nisa', 1)

Poslanik, s.a.v.s., pojasnio je da je ovaj svijet (kratki) užitak i da je najbolji užitak na njemu hairli žena. Allah, dželle šanuhu, kaže: **“Jedan od dokaza Njegovih je to što za vas, od vrste vaše, stvara žene da se uz njih smirite, i što između vas uspostavlja ljubav i samilost; to su, zaista, pouke za ljude koji razmišljaju.”** (Er-Rum, 21)

“...one su odjeća vaša, a vi ste njihova odjeća.” (El-Bekara, 187)

Poslanik, s.a.v.s., pojasnio je da je brak najefikasniji način čuvanja pogleda i spolnog organa. Pojasnio je da odbijanje ženidbe onoga koji to zaslužuje vodi u nered i smutnju na Zemlji.

Objasnio je da brak brani od nasrtaja strasti i tupi oštricu žudnje. Da Allah, dželle šanuhu, ovaj nagon nije stvorio da bi ga mi gušili, nego da bi ga pravilno usmjerili, ispravnim putem koji mu odgovara, i da u njemu uživamo, jer je najbolji užitak hairli žena.

Islam ne zabranjuje halal užitak. Naprotiv, on nagrađuje za njega. Poslanik, s.a.v.s., rekao je: “I u spolnom organu nekog od vas je sadaka.” Oni rekoše: “O Allahov Poslaniče, zar će neko od nas biti nagrađen zato što je spolno općio sa svojom suprugom?!” On odgovori: “Da, šta mislite da to uradi na zabranjen način, bi li bio kažnjen? Isto tako bit će nagrađen ako to uradi na halal način.”

Allah, dželle šanuhu, učinio je slast spolnog odnosa kao pokazatelj (stvarne) slasti spolnog odnosa u Džennetu, kako bi čovjek to priželjkivao i stalno radio dobra djela da bi ga postigao. To objašnjava imam Gazali u svom čuvenom djelu El-Ihja u

poglavlju o braku riječima: "Ogromna je razlika između ovodunjalučke prolazne nepotpune slasti i ahiretske potpune i neprekidne slasti." Koristi braka i zasnivanja porodice ne mogu se pobrojati, nego možemo samo ukratko na njih ukazati.

Najvažnija je od njih, kako kaže imam Gazali da je brak zbog toga što predstavlja svojevrsnu zaštitu od strasti veoma važan u vjeri za svakog onoga ko nije u stanju da se drugačije odbrani, a to je slučaj sa većinom ljudi. Kada strast čovjeka obuhvati u nedostatku bogobojznosti koja će mu se suprotstaviti, sigurno će ga odvesti u razvrat."

Brak je, dakle, jaka zaštita protiv veneričnih bolesti koje su rasprostranje danas u svijetu.

Treći je vid zaštite čednost. Čednost se traži od oženjenog i neoženjenog, iako je ona preča za oženjenog, zato je kazna predviđena za njega teža.

Zato ko je u stanju da se oženi, neka to uradi jer će tako sačuvati polovicu svoje vjere, a neka se Allaha, dželle šanuhu, boji u drugoj polovici. Imam Hakim prenosi riječi Poslanika, s.a.v.s.: "Kome Allah, dželle šanuhu, podari hairli suprugu, pomogao mu je da sačuva polovicu svoje vjere. A ko to ne bude u stanju, neka posti, jer mu je post najbolja zaštita."

Džabir, radijallahu anhu, prenosi da je Poslanik, s.a.v.s., vidio jednu ženu, pa je ušao kod svoje supruge Zejnebe i imao odnos s njom, a zatim izašao." (Prenosi ga Muslim i Tirmizi i kaže da je hasen sahih.)

Poslanik, s.a.v.s., kaže: "Kada neko od vas vidi ženu koja mu se dopadne, neka obavi odnos sa svojom suprugom jer ona ima isto što ima ona koju je vidio." (Prenosi ga Muslim i Tirmizi i kaže da je hasen sahih.)

U jednom predanju stoji: "Budite čedni i poštteni i vaše žene će biti čedne i poštene. Budite dobri prema svojim roditeljima i vaša djeca će biti dobra prema vama."

Ibn-Abbas, (radijallahu anhu), kaže: "Pobožnost pobožnjaka neće biti primljena bez braka (nikaha)." Džunejd kaže: "Meni je potreban spolni odnos kao što mi je potrebna hrana."

Islam čednost smatra važnim pitanjem kome posvećuje veliku pažnju. Čednost se gradi, prije svega, na čistoti srca, a zatim na odbrani od vanjskih uticaja. Unutrašnja čistoća temelji se na takvaluku, bogobojznosti i svješču o Njegovom nadzoru nad nama. Zatim, na ispražnjavanju srca od vesvesa strasti koje se uzbude njihovim postavljanjem na mjesto koje im odgovara, putem odnosa sa svojom suprugom. Kao što je Poslanik, s.a.v.s., uradio sa Zejnebom bint Džahš, radijallahu anha, i kao što je naredio riječima:

“Kada neko od vas vidi ženu koja mu se dopadne, neka obavij odnosi sa svojom suprugom” kao što je radio Džunejd i svi dobri ljudi ovog ummeta prije i danas.

Što se tiče spoljnih faktora, oni se mogu svesti na zabranu miješanja muškaraca sa ženama, obaranje pogleda i izbjegavanje otkrivanja žena i zavodnog govora, te zatvaranje vrata svim putevima koji vode u zinaluk, kao i razvratnih sredstava za informisanje.

Allah, dželle šanuhu, kaže: **“A reci vjericama neka obore poglede svoje i neka vode brigu o stidnim mjestima svojim; i neka ne dozvole da se od ukrasa njihovih vidi išta osim onoga što je ionako spoljašnje...”** (En-Nur, 31)

Zatim je Allah, dželle šanuhu, pojasnio ko su ti kojima je dozvoljeno da gledaju u ukrase žene, zatim je zabranio ženama da udaraju nogama svojim kako bi otkrile nakit koji nose: **“...i neka vela svoja spuste na grudi svoje; neka ukrase svoje ne pokazuju drugima, to mogu samo muževima svojim, ili očevima svojim, ili očevima muževa svojih, ili sinovima svojim, ili sinovima muževa svojih, ili braći svojoj ili sinovima braće svoje, ili sinovima sestara svojih, ili prijateljicama svojim, ili robinjama svojim, ili muškarcima kojima nisu potrebne žene, ili djeci koja još ne znaju koja su stidna mjesta žena; i neka ne udaraju nogama svojim da bi se čuo zveket nakita njihova koji pokrivaju.”** (En-Nur, 31)

Allah, dželle šanuhu, naređuje ženi da boravi u svojoj kući, jer je to najsigurnija zaštita za nju. Zatim joj zabranjuje razotkrivanje, što predstavlja zaštitu njoj i muškarcima.

Allah, dželle šanuhu, kaže: **“U kućama svojim boravite i ljepotu svoju, kao u davno pagansko doba, ne pokazujte...”** (El-Ahzab, 33) **“O Vjerovjesniče, reci ženama svojim, i kćerima svojim, i ženama vjernika neka spuste haljine svoje niza se.”** (El-Ahzab, 59)

Allah, dželle šanuhu, zabranio je ženama Poslanika, s.a.v.s., a znamo ko su one bile, da govorom na sebe pažnju skreću, kako ne bi u napast došao onaj čije je srce bolesno. **“O žene Vjerovjesnikove, vi niste kao druge žene! Ako se Allaha boji te, na sebe pažnju govorom ne skrećite, pa da u napast dođe onaj čije je srce bolesno, i neusiljeno govorite!”** (El-Ahzab, 32)

Poslanik, s.a.v.s., zabranio je ulazak kod žena čiji su muževi odsutni, pa je rekao: “Ne ulazite kod onih (žena) čiji su muževi odsutni. Zaista šejtan kola vama ko vaša

krv.” (Prenosi ga Tirmizi.) “Od danas je zabranjeno ulaziti kod onih čiji su muževi odsutni.” (Prenosi ga Muslim.)

Poslanik, s.a.v.s., zabranio je osamljivanje sa ženom koja nije mahrem (sa kojom se može vjenčati), izuzev u prisustvu nekoga ko joj je mahrem. Allah, džellešānuhu, zabranio je ulazak u kuće, izuzev nakon dozvole, javljana i selama, kako ne bi neko od njih vidio nešto što ne bi trebao vidjeti.

Allah, džellešānuhu, kaže: **“O vjernici, u tuđe kuće ne ulazite dok dopuštenje ne dobijete i dok ukućane ne pozdravite; to vam je bolje, poučite se!”** (En-Nur, 27)

Četvrto značenje ihsana jeste sloboda:

Allah, džellešānuhu, kaže: **“A kada one kao udate počine blud, neka se kazne polovinom kazne propisane za slobodne žene.”** (En-Nisa', 25) Kazna za počinjen zinaluk od slobodnog muškarca ili žene koji prije toga nisu bili u braku je 100 udaraca bičem, a kazna za isti prestup roba ili robinje je duplo manja, 50 udaraca bičem.

Allah, džellešānuhu, kaže: **“I ne nagonite robinje svoje da se bludom bave - a one žele da budu čestite - da biste stekli prolazna dobra ovoga svijeta; a ako ih neko na to prisili, Allah će im, zato što su bile primorane, oprostiti i prema njima samilostan biti.”** (En-Nur, 33)

Ovaj ajet je objavljen povodom Abdullaha ibn Ubejja, vođe munafika u Medini, koji je imao robinje sa kojima je pravio biznis putem prostitucije, kao što i danas čine mnogi zločinci. Trgovina je seksom organizovan i velik posao na kome rade hiljade službenika i profesionalaca, među kojima se nalaze i doktori i glumci, uz razne grupe mafija i trgovaca drogom. U Tajlandu, kako stoji u izvještaju Ujedinjenih naroda, mafija kidnapuje 500 djevojčica svake sedmice, koje se ubacuju u veoma unosnu mrežu trgovine seksom. Iza tih mafija stoji policija koja im pruža pomoć pri tome. U ovom primjeru jasno vidimo milost Milostivog, Koji će oprostiti onima koje na to budu prisiljene. Dakle, njima će sigurno oprostiti, ali ne okorjelim zločincima koji trguju njihovim tijelima.

Uprkos činjenici da je ropstvo davno ukinuto, nečasna trgovina je i dalje aktuelna i to u većoj mjeri nego prije.

Nema sumnje da će Allahova milost obuhvatiti ove bespomoćnice, a da će se Njegova srdžba i gnjev izliti na te okorjele zločince, koji su organizirali ovu prljavu trgovinu i razapeli svoje mreže tim malim djevojčicama, nekada varkom, a nekada

silom. Ova trgovina je raširena u raznim dijelovima svijeta i u zemljama trećeg svijeta jača je, grublja i prljavija nego u Evropi i Americi.

Nužno je, dakle, osloboditi čovjeka od obožavanja imetka, poniženja, srama i trgovine "bijelim" robljem, kako bi se ugasili izvori zinaluka.

Iz svega navedenog vidjeli smo da je "ihsan" (krepost) sa svim svojim značenjima najispravnije rješenje za liječenje spolnih bolesti i sprečavanje zinaluka i svih vidova nastranog seksa.

U uspješan "ihsan" spada i zabrana svega što vodi zinaluku i razvratu. Zabrana raznih medija, umjetnosti i zabava koje pozivaju na razvrat javno ili tajno. Isto tako uspješan "ihsan" podrazumijeva zabranu svih vrsta razvrata, kao što su noćni barovi, pozorišta, kabarei, miješanje ljudi sa otkrivenim i polugolim ženama, i svega što se dešava na bazenima i plažama u mnogim islamskim zemljama, arapskim i nearapskim, što je sramotno i potresno.

Uspješan "ihsan" podrazumijeva i provedbu kazni koje je Allah, dželle šanuhu, odredio za one koji zinaluk čine, jer u tim kaznama je velika zapreka za činjenje takvih zlodjela. A Allah, dželle šanuhu, sprečava vlašću mnogo toga što ne sprečava Kur'anom.

U uspješan "ihsan" spada ukidanje svih ljudskih zakona koji su oprečni Allahovim naredbama i koji dozvoljavaju zinaluk, kamatu i alkohol. Mnogi od tih zakona zabranjuju ženidbu više od jedne žene, a dozvoljavaju "druženje" jednom čovjeku sa desetinama žena.

Mnogi zakoni vezani za porodicu i porodično pravo predstavljaju prepreku na putu braka, a u isto vrijeme drugi zakoni olakšavaju zinaluk u svim njegovim vrstama i oblicima.

Zato je nemoguće formirati ispravno i čisto društvo prije ukidanja ovih ljudskih zakona i uspostavljanja šerijatskih zakona i njihove primjene. To je istinsko rješenje mimo kojeg ne postoji drugo. Zato se vratite Allahu, a On prihvata one koji kod Njega utočište zatraže i Njemu ćemo se svi vratiti, a Allah upućuje na pravi put, koga On hoće.

Rješenje problema spolnih bolesti sastoji se u otklanjanju njihovih uzroka:

1 – zabrana javne i tajne prostitucije putem otklanjanja njenih uzroka i povoda, zatim, olakšavanje uspostave braka i uništavanje grupa trgovaca ljudskim tijelom, kao i primjena šerijatskih propisa vezanih za one koji čine zinaluk, homoseksualizam i svaki vid nastranog seksa;

2 – ukidanje mjesta za “zabavu”, barova i “turističkih” mjesta u islamskim zemljama;

3 – borba protiv alkohola i droge i zabrana njihove prodaje, rasturanja i proizvodnje i primjena šerijatskih propisa koji se na to odnose;

4 – zabrana zajedničkog školovanja (muškaraca i žena);

5 – proizvodnja usmjeravajućih programa koji će se plasirati putem masmedija, borba protiv razvratnih sredstava za informisanje i kažnjavanje onih koji žele da se širi zinaluk među vjernicima;

6 – usmjeravanje turizma, posebno iz naftom bogatih zemalja, u Evropu, istočnu Aziju i druge dijelove svijeta. Zabrana putovanja mladićima bez njihovih porodica;

7 – širenje vjerske i zdravstvene svijesti i produbljivanje imana;

8 – izučavanje pojave selidbe sa sela u grad, posebno zbog toga što većina njih ostavlja svoje porodice iza sebe na selu;

9 – izučavanje problema putovanja radnika i službenika van njihovih domovina, uz ostavljanje svojih porodica i njihov udaljenosti od njihovih supruga duže vrijeme;

10 – izučavanje problema rada žene i njenog mješanja sa ljudima u kancelariji i fabrici i sprečavanje toga. Povratak žene muslimanke njenoj kući u kojoj je polje rada i doprinosa otvoreno i široko.

Postoje još neke mjere predostrožnosti koje je propisao islam, a koje isto tako štite supružnike od toga da neko od njih prenese na drugog bolesti koje se mogu preneti prisnim kontaktom (spolnim i drugim). Ti propisi se mogu svesti pod sljedeće:

1 – pranje spolnog organa poslije nužde i nakon obavljenog spolnog odnosa;

2 – kupanje nakon spolnog odnosa ili polucije;

3 – obrezivanje. Ustanovljeno je da obrezivanje umanjuje mogućnost oboljenja od različitih spolnih bolesti;

4 – odstranjivanje dlaka sa stidnih mjesta, što sprečava prenošenje pojedinih spolnih bolesti, a naročito uši i šuge;

5 – uklanjanje dlaka ispod pazuha što, isto tako, sprečava prenošenje određenih spolnih bolesti putem prisnijih kontakata, kao što su uši i šuga;

6 – podrezivanje noktiju i pranje dijelova tijela među prstima;

7 – pranje zuba. Ustanovljeno je da pranje zuba umanjuje mogućnost prenošenja bolesti putem usta i poljubaca.

Poslanik, s.a.v.s., rekao je: "Urođenih svojstava ima pet, ili pet stvari su fitra (urođene osobine): sunećenje (obrezivanje), uklanjanje dlaka sa stidnih mjesta, podrezivanje nokata, čupanje dlaka ispod pazuha, te podrezivanje brkova." Prenosi ga Buhari, Muslim, Nesai i Tirmizi.

U drugom hadisu stoji: "Deset stvari jesu urođena svojstva (fitra): podrezivanje brkova, puštanje brade, upotreba misvaka, čišćenje nosa vodom, podrezivanje nokata, pranje nogu između prstiju, čupanje dlaka ispod pazuha, uklanjanje dlaka sa stidnih mjesta, pranje vodom poslije nužde." Prenosilac kaže: "Desetu stvar sam zaboravio, a mislim da je ispiranje usta." (Prenosi ga Muslim, Ebu- Davud i Tirmizi.)

Podrezivanje brkova jeste njihovo skraćivanje. Puštanje brade jeste njeno održavanje dok ne postane veoma duga. Pojedina ulema smatra da je treba pustiti da raste dok ne dostigne širinu šake. A pranje zuba vrši se misvakom ili nečim drugim.

Poslanik, s.a.v.s., odredio je period u kome bi se trebale odstranjivati dlake ispod pazuha i sa stidnih mjesta na četrdeset dana. Znači da je najduži period u kome bi se ta mjesta mogla ostaviti bez brijanja ili odstranjivanja dlaka četrdeset dana. A sunet je brijati ih zajedno sa rezanjem noktiju svakog petka.

BLUD

(zina, prostitucija)

Pojam

“Zina” kao šerijatsko - pravni izraz znači spolni odnos pravno odgovornog (odraslog, umno normalnog) muškarca sa istom takvom ženom na nezakonit način. Ovakav izraz poznat je u terminologiji našeg građanskog prava pod imenom blud (prostitucija), ali je ovaj potonji mnogo užeg značenja od izraza “zina”; nezakonit je seksualni odnos, makar se on dogodio samo jednom i iz bilo kakvih razloga i pobuda. Ovakav blud po islamu strogo je zabranjen i ubraja se u velike grijehе.

Dokazi zabrane

Zabrana bluda temelji se na Kur'anu i Hadisu. Kur'an govori o ovom poroku na nekoliko mjesta, a naročito upadaju u oči ovi ajeti:

- 1. “I nemoj se (ni) približavati zina’u, jer to je, zaista, više nego obično gnusno djelo, a njegov je put hrđav.”** (El - Isra', 32)
- 2. “...i oni, koji se mimo Allaha drugom bogu ne klanjaju, i koji, one koje je Allah zabranio, ne ubijaju, osim kad pravda zahtijeva, i koji ne bludniče; a ko to radi, iskusit će kaznu.”** (El - Furkan, 68)
- 3. “... i koji stidna mjesta svoja čuvaju.”** (El - Mu'minun, 5), (El - Mearidž, 29)

Između hadisa koji govore o bludu treba istaknuti naročito sljedeće:

1. "Onaj koji čini blud, ne može biti pravi vjernik dok ga čini." Ovaj hadis prenijeli su Buharija, Muslim i drugi od Ebu - Hurejra.

2. Kad čovjek učini blud, iz njega iziđe iman, pa mu bude nad glavom kao hlad. Ako se potom pokaje i prođe se toga, iman mu se opet povraća."

Strogost zabrane, veličina grijeha i strahota posljedica bluda kratko su, ali vrlo jasno, istaknuti u svim gornjim citatima, a naročito u prvom ajetu. Svevišnji nam, kako se iz tog ajeta vidi, zabranjuje činiti čak i ono što bi nas moglo približiti bludu, odnosno što bi, makar posredno, moglo prouzrokovati da do toga dođe. U ovakvoj zabrani ogleđa se mudrost i sveznanje milostivog Tvorca. On, pored ostalog, dobro poznaje i naše slabe strane; on dobro poznaje strast i njeno značenje u životu i radu svakog čovjeka. Seksualni nagon kod čovjeka jeste ono u čemu se on najviše približava životinji, od koje ga često ne dijeli ništa. Jer, pri nastupu toga nagona kod malo koga vlada razum i čovjek ne može, a da mu ne udovolji po bilo kojoj cijeni, mada će se tim ogriješiti ako mu udovoljava na nezakonit način, o Božije zakone. Seksualni nagon, kako je poznato, kod svakog normalnog muškarca i žene nastaje i prestaje nakon određene dobi. On nastaje sam od sebe, tj. nisu za njegov nastanak potrebni kakvi vanjski faktori; on je glavni u održanju ljudskog roda (kao što to, uostalom, vrijedi i za životinje). Čovjek, koji ima spolni odnos, stoji u čvrstom uvjerenju da time pribavlja sebi jedno uživanje, a ne pomišlja na činjenicu da je on pri tom igračka u rukama jedne više sile; on i ne zna da svo to uživanje služi ne njemu, nego održanju ljudske vrste. Vanjski faktori, koje smo spomenuli, u ovom pogledu igraju vrlo važnu ulogu. Oni mogu ubrzati nastanak seksualnog nagona kod čovjeka i, što je najgore, oni ga pojačavaju toliko da čovjek može izgubiti svaku vlast nad sobom. A kad do toga dođe, a to je redovito, onda taj nagon vrši svoje. Da bi se, dakle, onemogućilo svakom čovjeku da svom seksualnom nagonu udovoljava na nezakonit način, on se mora kloniti svega onoga što bi mu moglo taj nagon izazvati, pa makar to na prvi pogled izgledalo sasvim nedužno. Mora znati da je on napokon čovjek, pa se i pored toga saznanja upušta u iskušenja, kad sebi dozvoli to izazivanje, odnosno približavanje, onda je vrlo teško, da ne kažemo nevjerojatno, pojmiti da će se moći ustegnuti od vršenja bluda, ma kako on inače bio odan islamu. S obzirom na čisto psihološke okolnosti kod svakog čovjeka u ovom pogledu, Svevišnji u prvom gornjem ajetu nije ni rekao: "**Ne činite bluda**", nego "**I ne približujte se bludu.**" Predradnje su, dakle, ono što se može i što ima smisla zabranjivati.

Među mnogim faktorima koji utječu na seksualne pohote, koje, opet, bezuvjetno dovode do samog akta bluda, stoji svakako bliži i češći dodir muškarca i žene koji su jedno drugom strani, zatim razgolićavanja ženskih itd. Neki pokvarenjaci, koji u sprečavanju ovog vide osujećenje svojih najgnusnijih planova, tvrde da to za moderna čovjeka ne znači ništa i da to nije nikakav faktor koji bi mogao izazvati strast, pa je, prema tome, i nastojanje da do toga dođe, znak nazadnjaštva i mračnjaštva. Odgovarajući na ovo nije nam potrebno ukazivati na vjerski indiferentizam i na nikakvu brigu za časti, dostojanstvom i poštenjem svih ljudi, a naročito žena, nego na sve to možemo reći samo ovo: svi ti čimbenici mogu prestati biti opasni po čovjeka samo onda kad ljudi budu živjeli bez seksualnog nagona!

OBRAZLOŽENJE ZABRANE

Obrazlažući Svoju zabranu približavanja bludu, Svevišnji dalje kaže u istom ajetu da je blud više nego obično gnusno djelo i da je put prema bludu hrđav put.

Blud je zlo čije se posljedice ne mogu skoro ni sagledati. U ono vrijeme kad je ovo zlo zabranjeno, te posljedice nisu bile ni izdaleka tako brojne ni kobne kao danas, niti su, čak, o njima mnogi imali pojma. Ipak, zabrana ovog zla djelovala je tada toliko da su slučajevi bluda bili sasvim rijetki, jer se imalo potpuno povjerenje u istinitost kur'anskih riječi o svemu, pa i o bludu. Danas, pak, kada su posljedice toga mnogobrojne i kad se svijet smatra uljudnijim, ne poduzima se skoro ništa u svrhu uništavanja ovoga poroka. Ovo zlo hara danas po cijelom svijetu, ono unosi lom u mnoge porodice, stoji časti, zdravlja, pa čak i života mnogih žena; pomoću bluda šire se zarazne i neizlječive bolesti; povodom toga iskrsava jedan krupan i teško zabrinjavajući društveni problem, a ipak sve se to u cijelom svijetu trpi! I što je najžalosnije, blud je dosta zastupljen među muslimanima, nijedna današnja islamska zajednica ne poduzima skoro ništa da bi se tome jednom stalo na kraj. Bar danas je svakom jasno šta znači blud s medicinskog, humanog, etičkog, društvenog i, kojeg god hoćete, gledišta i kakvo sve zlo on nanosi i pojedincu i zajednici, pa, ipak, trpi se za ljubav - "uljudbe"! A muslimani? Oni već odavno pokazuju sklonost za odstupanje od Allahovih propisa, bili oni u vidu naredbi ili zabrana. Ta sklonost prirodna je posljedica njihovog slijepog oponašanja onoga što samo pokvarenjaci mogu nazvati uljudbom i svega onog negativnog što takva

“Uljudba” u sebi nosi. A posljedica, opet, svega toga najbolje se ogleda u njihovom jednom stanju u moralnom, vjerskom i društvenom pogledu. Promatrajući sve ovo, razborit čovjek može samo požaliti što je u ovome pogledu “uljudan”, makar ga nazivali i “nazadnjakom” i mračnjakom”!

KAZNA

Allah, dž.š., nije samo zabranio blud, nego je za takvo djelo propisao i kaznu. Prema težini ovog grijeha propisana je i teška kazna. Ta kazna nije jednaka za svaku osobu. Naime, kod izricanja kazne propisano je da se pazi na to da li je počinitelj oženjen (udata) ili nije. Ako se radi o prvom slučaju, onda se dosuđuje kazna kamenovanjem, dok se u drugom slučaju krivac kažnjava javnim udaranjem sa stotinu batina. I jedna i druga kazna je i teška i ponižavajuća, a to je Zakonodavac odredio zato da bi one imale dubokog učinka i na ostale. Ova razlika pri odmjeravanju kazne ima svoje opravdanje već i u tome što oženjena, odnosno udata osoba, zna cijiniti vrijednosti i svetinju braka bolje nego neoženjena, odnosno neudata osoba, pa je, dosljedno tome, svjesna težine grijeha i sramote koju nanosi obeščašćenoj osobi i njenoj porodici.

Izricanje i izvršavanje ovih kazni uvjetovano je uglavnom četiri puta ponovljenim priznanjem samog krivca da je počinio taj grijeh. Istina, ovakva kazna može se dosuditi i na temelju zajedničkog iskaza četverice svjedoka (samo muškaraca!), koji moraju potvrditi da su grješnike vidjeli očito na samom djelu. A ovo je, opet, toliko teško da graniči s nemogućnošću. Ako promotrimo hadise koji govore o ovim kaznama, koje su izricane i izvršavane u vrijeme Allahovog Poslanika i prvih halifa, uvidjet ćemo da su one izricane gotovo samo na temelju četiri puta ponovljenog priznanja grješnika. Pa i onda, kada bi grješnik došao i priznao svoje djelo, pokušavalo bi mu se sugerirati da se on, možda, vara da je ženu samo dotaknuo, a to sve da bi opovrgao svoje priznanje i da ne bi došlo do izvršavanja smrtne kazne kamenovanjem. Tek onda ako bi dotična osoba u svome priznanju ostala uporna, dolazilo bi do takve smrtne kazne. A i ovakvih slučajeva bilo je vrlo malo. Jer da neko prizna takav svoj grijeh, znajući kakva ga teška i ponižavajuća kazna čeka, trebalo je da je duboko prožet vjerskim osjećajem i da želi da na ovom svijetu bude kažnjen za svoj prestup i da je potpuno siguran u oprost svoga grijeha na temelju provedene kazne.

Pomenuli smo da se smrtna kazna može izreći i na temelju zajedničkog iskaza, četverice svjedoka - muškaraca. Ako bi se makar jedan ustegao od takva iskaza nakon što je izjavio to, kaznit će se svi sa 80 batina, a njihovo svjedočanstvo ubuduće neće se primiti. Ovako stroge mjere pribavljanja svjedočanstva za čin bluda imaju svoju veliku važnost već i stoga što se na ovaj način unaprijed isključuje mogućnost, ne samo potvore nego i sumnje da je neko tako nešto učinio. O tome govori Kur'an u suri En - Nur, gdje se kaže:

“One koji okrive počtene žene, a ne dokažu to s četiri svjedoka, s osamdeset udara biča izbičujte i nikada više svjedočenje njihovo ne primajte; to su nečasni ljudi” (En - Nur, 4)

“LIĀN”

Dogodi se da muž tereti ženu bludom. U tom slučaju muž ne mora svoju tvrdnju potkrijepiti svjedočanstvom četverice svjedoka, jer mu je to sasvim teško, da ne kažemo nemoguće. Osim toga, muž nema nikakva interesa da ženu protvara za preljub, kao što bi moglo imati neko strano lice, pa kad, dakle, time svoju ženu tereti, pretpostavlja se da je takva njegova tvrdnja osnovana na istini. Ipak, ni njegova se tvrdnja ne može primiti bez daljnje, nego će ga šerijatski sudac, pred kojim bude tu svoju tužbu iznio, uputiti da to osnaži sa svoja četiri uzastopna očitovanja. Naime, muž će tom prilikom reći da se kune Allahom, da govori istinu, a peti put će prizvati na sebe prokletstvo Allahovo ako je slagao. Ako žena nakon ovakvog očitovanja prizna da je učinila preljub, kaznit će se, a ako ne prizna, onda je i ona dužna dati svoja četiri očitovanja, tj. zaklet će se četiri puta Allahom da je njen muž slagao, a peti put prizvati na sebe srdžbu Allahovu ako je istina ono što je njen muž rekao. U ovom potonjem slučaju žena neće biti kažnjena nego će se njihov brak zauvijek razvrgnuti.

Ovakav proces zove se u islamskom pravu “lian” (međusobno proklinjanje muža i žene), a propisan je kur'anskim ajetima čiji je smisao već gore izložen.

ZAKLJUČAK

Iz svega ovoga možemo donijeti ovaj zaključak:

1. Seksualni je zločin vrlo težak grijeh sa brojnim i teškim posljedicama, ne samo za pojedinca nego i za čitavu zajednicu, pa i potomstvo. Da bi se izbjegao, mora se kloniti i onih, na prvi pogled sasvim bezazlenih, radnji koje vode do njega, pa je zajednica dužna raditi u ovom smislu;

2. prema težini ovog grijeha propisna je i teška kazna kojom se hoće zastrašiti drugi ljudi, a koja je jednaka za muškarca i za ženu;

3. da je zbilja od spomenute kazne namjera odvratiti od zla, jasno se vidi iz toga što je šerijatsko pravo kod dokazivanja ovog zločina stavilo vrlo teške i skoro neostvarive uvjete. Ako se zločin dokaže četvericom svjedoka koji su jasno vidjeli sami čin bez i najmanje sumnje i ako se onda za to određuje teška kazna, to znači da se želi što više izbjeći provođenje ove kazne - a ako se već zločin na taj način ustanovi, onda je to javna sablazan bez i najmanje stida čije žile treba nemilosrdno posjeći. Ovo treba imati na umu razmišljajući o kazni koju šerijatsko pravo predviđa za ovu vrstu zločina.

Hfz. Ibrahim Trebinjac

SADRŽAJ

PREDGOVOR	5
SPOLNE BOLESTI	9
Uzroci širenja spolnih bolesti	10
Sida	27
Stečena bolest nedostatka imuniteta	27
Definicija bolesti side (AIDS)	27
Vrste ljudi koji obolijevaju od side	30
Troškovi side	35
Strah obuhvata SAD, Evropu i ostale dijelove svijeta	36
Ukratko o uzrocima side	39
Odbrambeni sistem i njegovo stanje prilikom oboljenja od side ..	42
Putevi prenošenja side	42
Simptomi bolesti side	45
Prosječna dužina života	45
Liječenje side	46
Istinsko liječenje (Zaštita prije oboljenja)	47
Drugi vidovi čuvanja od bolesti side	48

Mjere zaštite i predostrožnosti koje je dužna poduzeti obitelj oboljelog od side ili nosioca virusa side	49
Mjere zaštite i predostrožnosti koje su dužni poduzeti medicinari i bolničari koji vode brigu o oboljelim od side	50
Venerična upala mokraćnih kanala (Klamidija N.G.U.)	50
Gonoreja (kapavac)	51
Grupe koje su više izložene oboljenju od gonoreje i ostalih veneričnih bolesti	52
Sifilis	55
Rasprostranjenost sifilisa	55
Šta je to sifilis?	57
Zaštita	57
Istinski lijek je krepost	60
BLUD (zina, prostitucija)	70
Pojam	70
Dokazi zabrane	70
Obrazloženje zabrane	72
Kazna	73
“Lian”	74
ZAKLJUČAK	75